

沈雲龍主編

近代中國史料叢刊

第二十輯

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第二十輯

目錄

繩樞齋年譜

蔣攸銛著

吟香書室奏疏

徐炘著

黎襄勤公(世序)奏議

黎學淳編

周文忠公(天爵)尺牘

應寶時校

卞制軍(頌臣)政書

卞寶第著

劉壯肅公(省三)奏議

劉銘傳著

江表忠略

(附：寤言·權制)

陳澹然撰

蟬香館使黔日記

嚴修著

邊事續鈔

朱克敬輯

東藩紀要

薛培榕編

011812-11

近代中國史料叢刊第二十輯
沈雲龍主編

繩 柅 齋 年 譜

蔣攸銛著

文海出版社印行

繩世齋年譜卷上

礪堂自次 次男爵遠謹附注

乾隆三十一年丙戌一歲

三月三十日寅時余生於先大夫江蘇

布政司理問官廨先大夫命名曰攸銛

後字之曰穎芳 不孝壽遠謹案吾蔣氏

祖武勇公諱貴明宣德中以征麓川

功封定西侯後追封涇國公次子諱

忠蔭遼東衛指揮駐牧羊城因家焉

又數傳至隆山公諱世瑚順治元年

從入關遂隸鑲藍旗漢軍籍定居固

安縣又數傳至府君高祖于高公諱

浩德歷官雲南督標右營遊擊曾祖
集公公諱毓英累官江西按察使遷
浙江布政使始居滿城鄉里有善人
之目至今稱之康熙四十五年崇祀

誥贈光祿大夫宦道光太子太傅體仁閣大學士
江西名宦道光八年以府君官

誥贈一品太夫人祖考蘿村公諱國祥歷官
兩江總督曾祖妣陳氏

誥贈光祿大夫太子太傅體仁閣大學士
長蘆鹽運使

誥贈一品太夫人蘿村公生三子最幼爲府
兩江總督祖妣鄭氏姚氏劉氏並

君考臨臯公諱韶年蘿村公任都轉
因公被議奉

旨往軍臺効力年已七十有七臨臯公在部具
呈以父篤老願往代戍奏蒙

恩准蘿村公歸後一年卒復奉
特旨准令回旗治喪宗族稱孝以

欽定皇清

文穎館膳錄議敘州同分發江蘇借補布政司理問歷官山東平度州知

誥贈光祿

大夫

太子太傅體仁閣大學士

誥贈一

兩江總督妣李氏趙氏妣徐氏並品太夫人臨臬公生二子長為先伯

父約園公諱攸欽雲南河陽縣典史出為伯祖衡之公後長於府君三十

餘歲李太夫人出徐太夫人禱於吳門五塢山而生府君臨臬公暨趙太

夫人並鍾愛焉門下士朱昌頤謹填諱

三十二年丁亥二歲

三十三年戊子三歲

三十四年己丑四歲

三十五年庚子五歲

始就塾從黃岡高先生學

府君嘗云四歲從師授毛詩晨起外
大母黃孺人親攜至書室院前下學
時師送至內室院門外日以爲常又
云余幼多病賴外大母黃朝夕調護
得痊後黃孺人卒府君爲合葬于蘇
州感慈陽新塋戊申奉

使閩中歸

途展謁泊撫兩浙道出吳中復往墓
次祭掃補栽塋樹屬村隣陸陳二姓

加封
殖焉

三十五年庚寅五歲

先大夫擢山東平度州知州

府君繩樞齋詩集自註余將隨在平
度高先生旋楚余賦詩贈行有此時

揮手別後曾在何年之
句師以其年幼賞之

三十六年辛卯六歲

三十七年壬辰七歲

冬先大夫以忤上官去任

臨臯公在平度三年重農桑興學校
拯災恤患規畫甚備見州民納糧自
封投櫃卽指以示府君曰閭閻疾苦
不可不知也乃以承審案件失出被
劾去任之日州民攀轅
感泣走送數十里外

三十八年癸巳八歲

先大夫卜居寶坻縣林亭鎮長兄自滇

南罷官歸

臨臯公歸後賃廡以居至是始構數椽僅蔽風雨時伯父方任滇南河陽典史亦以事引退食指既多幾無以贍朝夕臨臯公自課府君讀書嘯歌自得忘其境之屢空也

三十九年甲午九歲

四十年乙未十歲

始習爲制義

臨臯公邃於經學代戍軍臺時嘗受易於德州盧雅雨先生於象數義理觀其會通至是日爲府君從容講貫以次徧及諸經復課府君作文舉示

先正義法俾知所蘄嚮府君嘗言我
十歲學爲文以人一已百自勉門前
報賽演劇從不往
觀故文思日進

四十一年丙申十一歲

四十二年丁酉十二歲

府君是時諸經旣畢臨臯公乃授以
涑水通鑑紫陽綱目於政治得失人
才邪正及一朝治亂興衰之故剖
詳盡府君嘗言我十一二歲時好閱
乙部書日暮卷未終輒
就簷際閱之目遂短視

四十三年戊戌十三歲

補博士弟子員

是時學使者爲少司空鎮洋汪時齋先生諱廷璵四書題爲出於其類拔乎其萃府君嘗言余十三四歲時無力延師每課期先一日赴隣村講貫過石橋柳岸有春風舞雩之致

四十四年己亥十四歲

長兄約園卒

約園公早卒無嗣府君每遇忌日獨坐涕下有脊令折翼淚如泉回首音塵已十年之旬蓋府君感念同氣久而彌深如此並爲之舉葬立嗣以承宗祧

四十五年庚子十五歲

七月入都應鄉試問業於雲夢許石泉

秋巖兩先生

石泉先生諱兆棠秋巖先生諱兆椿
時同官京師府君入都鄉試僦居貢
院後街往問業焉兩先生負人倫鑒
一見卽許以大器訓迪諄切視他弟
子有加學日以進○又案府君幼所
從師若平湖韓先生泰來又歸安沈
先生權衡府君撫浙時訪求兩先生
後人資其膏火勉以讀書敦行上繼
家聲蓋府君於師友淵
源風誼篤摯類如此

四十六年辛丑十六歲

十月歲試一等食餼

是年學使為詹事吳江金聽濤先生
士松

四十七年壬寅十七歲

先大夫為余訂姻寧夏馬氏攜往德州

就婚

先外大父馬中齋先生諱乾和甘肅
寧夏人乾隆甲子武舉人歷官漕標
中軍副將時僑居德州之桑園村臨
臯公携府君往就婚焉府君嘗謂自
潞河至德州臨臯公於舟中日課以
詩又嘗手寫古人誠子語數十則為
訓府君裝潢成
册奉以終身

四十八年癸卯十八歲

鄉試中式第十五名

欽命詩題

座主為諸城劉文清公壩蒙自尹楚珍先生壯圖大興翁覃溪先生方綱房師為丹徒茅耕亭先生元銘為仙露明珠劉文清公閱府君卷至詩項聯夜靜珠騰海天高露洗秋十字擊節歎賞謂當作太平宰相先是徐太夫人夢人送報錄至見府君中式第十五名榜發果相符合

四十九年甲辰十九歲

會試中式第五十四名

座主為漳浦蔡文恭公新長白德文莊公保獻縣紀文達公昫仁和胡文恪公高望房師為吳縣吳曇繡先生俊是科漢軍僅中一卷胡文恪公先

取中兩卷揭曉前始擯其一乃艾孝廉崇禮也其人宿學府君暮年猶亟稱之

殿試第二甲第三十二名

朝考第十七名

恩改翰林院庶吉士

五十年乙巳二十歲

元旦

覃恩敕封父母如例充

武英殿協修官

國史館纂修官

府君嘗言在館職時與同事濟陽孫公寄圃宛平初公頤園兩前輩朝夕切劇尤相矜契

五十一年丙午二十一歲

府君嘗言爲庶常時月應館課二次復與諸同年會課常日作五言排律一首有事則燈下補成之寒暑無間今藏有繩柅齋詩賦八卷皆府君館課也又雪鴻紀蹟詩注寒夜讀書率至漏下二十刻

五十二年丁未二十二歲

散館授職編修奏辦院事

府君辦院事時在

西苑領

見

朝考卷時相忽索新進士引

排單府君按省分各依甲第名次默憶錄呈
回署核對金榜一無舛者蓋府君記
性絕人過目輒不忘同僚咸為驚服

充庶常館提調恭校

西苑文源閣四庫全書蒙

恩賜鮮果茶食紗緞有差

府君初為編修即蒙院長阿文成公
推許謂人甚正氣每派差使必先及
焉一日入白事畢文成公顧語曰子
器識宏遠老夫此坐他日當屬子矣
其賞識
如此

五十三年戊申二十三歲

夏蒙

恩充福建鄉試副考官得士韓學秦等八十五

人

是科正考官為仁和侍讀張自東先生姚成府君嘗言官翰林時四典鄉試皆與同行者徧閱通場冀無遺珠之嘆

五十四年己酉二十四歲

閏五月聞先大夫訃匍匐旋里冬奉先

大夫柩附葬滿城縣柳家撮先塋

續相齋年譜

臨臯公自卜宅林亭得幽居之樂府君屢請迎養又欲乞假歸覲皆諭止之比聞訃星奔已蓋棺四日矣擗踊長號觀者隕涕含斂諸事賴徐太夫人經理罔不中禮

十月大女生

長姊後適兵部員外郎長白廣源為府君同年文遠臯先生幹長子

五十五年庚戌二十五歲

秋天津李載園明府邀閱邑試卷

府君是年有載園同年署中聞雁之作又有觀河行蓋其時薊運鮑邱諸水泛溢有司方有事賑恤也

五十六年辛亥二十六歲

八月服闋入都供職仍充翰林院辦事

詩集有重入
清祕之作

五十七年壬子二十七歲

五月奉

命偕錢漆林檢討開仕典試貴州得士王金等

四十八

詩集注貴州苗人應役極恭順而胥吏每虐使之曾告知牧令留意不三年果有松桃之變

歸途次新鄉謁錢蕪齋先生祠

蕪齋先生爲漆林檢討父曾宰新鄉有惠政邑人祀其威儀檢討奉使拜祠下父老款接甚殷府君亦往謁焉遂賦詩紀其事

訂黔輶紀行集

府君是行得詩甚富合爲二卷今存集中者不過十之四五耳

五十八年癸丑二十八歲

分校禮闈得士田永年等七人

五十九年甲寅二十九歲

正月趙太夫人徐太夫人就養京邸夏

蒙

恩復偕錢漆林檢討典試陝甘得士孟斗南等

六十一人

府君偕漆林先生兩荷

恩命同使一省實自來典試者所未有府君途

中贈以詩曰黔山風雨連牀久秦地

關河放眼寬他日玉堂傳軼事固應

留作畫圖看漆林先生使旋屬盛甫

山侍御寫黔江並棹秦關連騎二圖

以傳劉文清公題卷首日文契仙緣

翁先生覃溪韋先生約軒皆有詩錢

裴山中丞撰序其餘題詠甚夥卷有

二兩家各藏其一漆林先生旋奉

命視學滇南卒於任所府君宦轍所至每過昔

時星輅並轡之地感念舊遊屢形詠

嘆蓋相契之深故
氣誼肫摯如此

六十年乙卯三十歲

七月奉

命偕周戶部鏐典試河南得士周肅雍等七十

人

周戶部嘗夢避火登舟急迫不能開
有人告之曰待槳即行矣蓋謂舟為
周槳為蔣也其奇驗若是

闡中奉

命視學粵西九月自豫啟行冬抵任

嘉慶元年丙辰三十一歲

元旦恭遇

覃恩勅贈父母如例三月按試桂林聞趙太夫

人訃匍匐旋里

府君是行舟次洞庭客船數百停泊者旬日矣府君禱于神次晨即轉順風有神鴉無數回翔帆際瞬息即抵岳州

二年丁巳三十二歲

三年戊午三十三歲

八月服闋赴都供職補江南道御史

系

府君

入臺

陳奏

皆不

存稿

殆古

十二

府君入臺陳奏皆不存稿殆古大臣
避人焚草之意故今於諫垣諸章疏
皆從闕焉

四年己未三十四歲

冬蒙

特恩召見

府君以密保特蒙

召見是日甫得瑞雪

天顏溫霽

垂詢良久

是年長子霖遠生

五年庚申三十五歲

春奉

命抽查五閘運京漕糧

府君是時僦寓東便門外古寺自春徂秋日偕同事乘舟往來稽查剔除宿弊吏胥歛手奉法

秋蒙

恩簡放江西吉南贛寧道

特簡也南贛各屬民多好利健訟府君蒞任一府君入臺甫二年即得外擢蓋

以正人心厚風俗為先務有瑞金民楊姓兄弟同居爭產構訟五年不息主峻者不令覲面府君提案勸諭二人相持痛哭而去又南康奸民邱家

亮覲其弟婦之產捏控姦命拖累不休府君爲剖斷坐誣以產還孤寡蓋府君矜慎明斷隨事昭雪類如此

葺濂溪書院

府君旣捐資重修書院課藝親爲評閱並時至院中與諸生講論示以文章義法由是鄉闈多中式者今集中有甄別濂溪書院諸生詩以示勸四首可以見府君勤拳啟迪之苦心矣

六年辛酉三十六歲

四月迎養徐太夫人至署

徐太夫人性好施予親族有急輒周之有陳公睦文者嘗貸臨臬公五百

金陳公卒家貧不能償太夫人將就
養西江召其子至爲焚其券其子感
泣而去

七月監試秋闈九月署理江西按察使

是年八月

仁宗睿皇帝密諭中丞張公曰察吏所以安民

蔣攸銛

江右良才也汝其任用欽此張公旋奏令府

君攝理
臬篆

謁先曾祖方伯公名宦祠

方伯公會任江西臬司有惠政祀名
宦府君瞻拜祠下復捐資修葺祠宇

七年壬戌三十七歲

粵東博羅縣會匪滋事赴龍南定南防

堵

龍南定南與博羅接壤府君設卡防堵廣為偵探捐廉購備一不擾民而會匪亦無一人竄入境者

是年次子霽遠生

八年癸亥三十八歲

冬廣昌縣齋匪作亂延及石城寧都余

親往督剿

廣昌齋匪廖幹周李步高等聚眾滋事延及石城寧都聚眾五六千人府

君奉檄督兵赴寧都石城二處督飭官兵鼓舞鄉勇將寧都首犯胡儀書殲斃生擒石城首犯李奇添其廖李二賊首亦經衡廉訪拿獲此外緝獲餘匪不下千人地方安堵先是府君自京啟行時友人爲筮之得蒙之上九至是始驗

聞徐太夫人訃十月回旗守制

徐太夫人先于九月間以長姊及歲例應赴選攜之入都行次江南桃園驛旅館忽以痰涌氣塞遽至棄養府君初聞訃時正當搜拿匪黨銜哀經理迨歲事後始克星奔兼程北上

九年甲子三十九歲

中丞秦公以剿辦廣昌齋匪功保奏奉

旨著於服闋後帶領引見候朕施恩欽此是冬

奉徐太夫人柩合葬于先大夫墓

十年乙丑四十歲

三月

特旨起復發往廣東差遣委用閏六月奉

命署理惠潮嘉道

潮人械鬪成習普寧方氏同姓操戈
府君急派文武帶兵圍捕不能買兇
在任半年無敢鬪者鄭一幫洋盜滋
擾時水師俱在省西洋面空虛府君

檄催提督孫公全謀帶師船馳至府
君親往督戰擊沈賊船十餘隻殲獲
無算

十一年丙寅四十一歲

三月服闋實授惠潮嘉道旋奉

旨擢江西按察使六月入都

陛見蒙

恩召對四次八月抵任

府君雪鴻紀蹟詩註曾太父方伯公
曾任江右臬司平反冤獄崇祀名宦
先大父都轉公任南康同知今祀于
二賢祠追惟先德兢惕彌深因以述

系才刃全言

三

德名其齋
以自助勵

署藩篆

殊批永守寸誠莫隨流俗欽此
府君署理藩篆具摺陳謝蒙

收養流民

是年江南大水流民攜家而來不絕
於道府君倡議捐廉於沙井地方搭
蓋席屋數千間俾資棲止日給口糧
流民安之尚有嫁娶者春融給十日
資齋送回籍
存活甚眾

十二月蒙

恩擢雲南布政使

陛見奉

殊批速赴

府君擢滇藩後具摺陳謝並奏請
新任實心任事切勿因循過二年後
再行奏請欽此

十二年丁卯四十二歲

三月抵滇藩任

府君奏報到任並附奏云滇省昔時
民苦於鹽今未免官疲於銅鹽法改
辦之後邊氓歌咏

皇仁而山

多田少向來戶鮮蓋藏乃察聽民風

殊批是在

汝甸宣化導勉
虛華不如黔中之樸素必須共敦節
儉力挽頽靡庶不至愈趨愈下奉
力整頓欽此

整飭銅廠章程

滇省廠銅衰歇者多向之見苗覓礦者或失之一綫即不可得府君抵任後多方整頓於路南州地方開新廠得銅五百餘萬斤京運及各省採買並本省局鑄無不充裕

十三年戊辰四十三歲

奏陳滇省錢局挪抵情形請著落歷任

巡撫兩司照數攤賠

滇省錢局歸臬司衙門經理前因廠員應辦銅鉛未能如數致局鑄卯額錢文不敷動放惟局庫有提存錢十二萬六千餘串係應解還藩庫鑄本之用乾隆五十八年部議各局存錢勒限搭放完竣而省局錢不敷放前

任孫廉訪藩稟請將局存錢文借撥
動放經前任陳方伯孝昇議詳前任
江中丞蘭批准而藩庫鑄本銀兩遂
致無款可解因以應追各員所欠銅
鉛及經放未歸錢文作抵府君抵任
後查鑄本一欸除咨追有著外實虧
缺銀五萬六千五百兩有奇疊次咨
追終歸懸宕因奏請責令率准借放
之巡撫分賠四成私相借墊之藩臬
二司各分賠三成奉

旨准行

七月蒙

恩賞

御製明慎用刑說墨刻一分

系本列全言
十四年己巳四十四歲

三月蒙

恩調任江蘇入都

陛見七月行次新泰縣蒙

恩擢江蘇巡撫飭赴新任八月抵蘇接印視事

奉

命兼攝滄關篆務九月奉

旨調任浙江整飭海洋緝捕事宜

蔡逆幫船先于八月十八日經提督
王公得祿邱公良功追入黑水大洋

將匪船擊沈該逆及妻子一齊落海
淹斃惟該逆義子小仁及逆夥矮牛
等船各自解散府君恐其竄入浙洋
卽飛咨黃巖定海二鎮嚴密截剿果
有大緣頭船八隻竄入定海洋面經
該鎮進兵接仗匪船乘夜竄赴東南
大洋隨咨提鎮各于本境扼要把截
一有逆船信息卽痛剿殲除以淨餘
孽

十月蒙

恩開復江西臬司任內積案未結降三級留任

一案奏陳籌辦新漕事宜並請禁革陋

規

諭旨

別除積弊

上年漕務米色不純屢奉

責在州縣船既開行責在運弁現飭

開倉之日先選米質純潔方准入倉

如攬雜潮碎當場篩撮駁換書役刁

難包戶攬納均按律懲辦每厥各封

樣米二合分送各上司驗明發交押

運幫弁眼同旗丁照樣兌收旗丁有

意挑剔一併提究仍令該管道府于

兌竣時查照前送樣米按船查驗每

船亦照取樣米二合分送總漕倉場

衙門照樣扞盤驗收幫船開行以後

沿途有無攬和等弊責成押運員弁

嚴查懲辦至各幫丁力疲乏積漸已

深若再加以吏役勒索勢必更形竭

現飭將催漕各員及過淮抵通一切

浮費悉行禁除如有前項需索情事

一經察出予受同罪該管官一併嚴

參並嚴禁奸丁包領侵扣藉端開銷
等弊奉

旨准行由是浙漕漸次肅清府君所定章程至
今猶遵守無改云

十一月入都

陛見十二月抵京

十五年庚午四十五歲

元旦立春喜遇瑞雪蒙

恩予紀錄二次二日恭預

重華宮茶宴恭和

御製詩二首荷蒙

恩賚有差

是年茶宴

特命督撫四人在京者一體入宴聯句以授時

通考命題復恭和

聖製詩七律二首府君詩進呈時蒙

諭汝所作還是翰林詩翰林字

恩賞四喜玉搬指鼻烟壺大小荷包等件

陛辭出都蒙

恩賞假五日省墓滿城行焚黃禮

上年恭遇

萬壽覃恩府君得領二品封敬謹焚黃先墓並

奉

恩賞狍鹿山雞水魚等物敬熟以薦

二月回浙江任奏水師守備捕盜出力

奉

旨儘先陞用

浙洋自上年交冬以後尙屬安靜惟零星土匪出沒窺伺府君札會提臺邱公良功派定黃兩鎮分扼南北堵截再遣幹練將備居中策應提臣統領大幫來往督率其時護黃巖鎮右營遊擊守備陳秉助於正月初一夜統帶兵船捕獲陳阿桂等七十名並盜船三隻砲械多件于歲除之際深歷重洋不辭勞瘁因奏請鼓勵奉旨著以應陞之缺先予陞用欽此

崇祀先儒張楊園先生於桐鄉縣分水

書院

張先生諱履祥桐鄉人為學一宗程朱闇然自修與海鹽何商隱先生汝霖烏程凌渝安先生克貞以道誼相切劘著書十餘種詳見

欽定四庫

全書提要雷翠庭先生謂先生為理學名儒先陸清獻而真知允蹈者也府君讀其遺書愾慕其為人乃檄桐鄉縣恭製先生栗主崇祀縣屬分水書院俾肄業諸生知所誦法府君復撰記勒石書院中

會奏幫丁駁回米石請分年折價歸還

浙江各幫上年抵通盤驗駁回平斛米二萬七千有奇責令變價賠補府君以該下等歸次已遲米已散作日食此時若責令買解勢必將新領運價作為米價前途費用無出必致百弊叢生因與漕督許公會奏請照康

旨允行

熙五十四年例每石折交銀一兩四錢復照雍正六年例分作五年完繳得

會奏幫船應交餘米請分年遞緩

浙江各幫應帶十三年緩交加裝九年等餘米又十四年緩交加裝九年十二年餘米又應扣還省南耗米等四萬九百八十餘石若令同時並買不但丁力不支亦且有妨民食因借漕督許公會奏請援照乾隆五十二年嘉慶十二年三等年例分年遞緩以紓丁力亦奉

旨允行

四月奉到

恩賞

御製為臣不易論墨刻一分

欽定授衣廣訓一部奏地方繁簡今昔不同請

將樂清長興互改以裨吏治

溫州府屬之樂清縣從前原定衝繁
 調缺自乾隆四十四年改簡以後部
 選初任人員限于材力不能經理裕
 如以致民風日敝前任知縣皆以催
 征不力被議若不急求整頓必致積
 重難返查湖州府屬之長興縣原係
 中缺乾隆四十四年改為衝繁難兼
 三要缺在外調補近來民情漸臻醇
 樸糧無逋欠獄訟不煩治理尚易因
 請將樂清縣缺仍改為衝疲難兼三

旨 交 部 議 行

海疆要缺在外揀員調補三年俸滿
加通判銜卽陞長興縣缺仍改爲銜
繁中缺歸部銓選奉

九月徧閱鄉試墨卷擇其文理明通者 分送三書院肄業

浙省文風素盛不特已中者多績學
卽被斥落諸卷亦有華實並茂者乾
隆初年陳文恭公監臨浙闈曾于榜
後覆校墨卷挑取數百人送省城三
書院肄業府君與學使周廉堂先生
商議一依其例將鄉試落卷重加校
閱擇其文理明通者錄送省城書院
肄業其有距省稍遠者卽于本府本
縣書院肄業所錄多知名之士如許
學士乃普徐侍講士芬朱修撰昌頤

錢觀察廷熊余侍御規皆其選也
其餘登甲乙科者尤指不勝屈云

是月奉到

恩賞

御製清寧合撰全函十一月蒙

恩補授江南河道總督十二月奉

旨仍回浙江巡撫原任

十一月十三日府君蒙

恩簡用河督當將撫篆遵

旨交總督方公暫署即白啟程赴任於謝

恩摺內將不請河務據實陳明十二月初十日

抵清江任復于恭報接印日期摺內
附奏河工與地方事務迥然不同臣

自外任以來從未經歷河務現當修防吃緊之時工程之緩急險易錢糧之多寡准駁無不取決于河督一人今屬員紛紛請示臣竟不能回答現在河工人員無一為臣深知素識之人不敢有所託信卽虛衷採訪而胸無定見則其言之真偽是非不能辨別此外在別省服官臣所深知可信者又俱不諳河務近日河防多有弊端臣履其地而莫辨源流歷其工而併不識名目尙不知利之所存又豈能測弊之所在若冒昧發銀辦工甘心受人愚弄則昧良辜甚用是百計籌思萬分焦灼不敢不

據實瀆陳奉

上

諭本日蔣攸銛奏報接印日期一摺情詞懇

一切出于至誠看來蔣攸銛於河務實不能知

一時驟難諳習初非意存推諉此正所謂學

三

續林齊年言

而後入政非可以政學者也蔣攸銛竟不必
強之任事伊在巡撫任內整飭地方官聲本
好著仍回浙
江原任欽此

十六年辛未四十六歲

正月抵浙撫任

府君去浙甫踰月復回原任百姓扶
老攜幼歡迎道左後因公赴蕭山南
沙地方督編保甲聞村嫗相語曰公
來吾儕又得食賤米矣蓋府君飭禁
長安米市不准
販米入海故也

三月兼攝鹽政篆

是時兩淮阿直指奉

命駐劄清口督辦漕運兩浙蘇直指調署兩淮

府君因兼攝
兩浙鹽政

領到

恩賞

御製息訟安民弼教申謨墨刻一分

御製全史詩一部會奏海運事宜

去歲有

旨詢問江浙海口能否試行海運令熟籌妥議

具奏府君覆奏浙江海口惟乍浦甬

江二處乍浦塘外有鐵板沙商船不

能收泊並無關東天津等處船隻甬

江雖有關東天津船進口而自杭州

至寧郡應起剝換船者五次所費不

貲難以率請試行至是復

命借兩江

總督勒公漕督許公蘇撫章公會議

府君因陳不可行者十二事一海

運自元至元十九年訖明永樂十三

年當時仍有河運今河運亦不能廢

則禦黃壩仍不能閉運弁仍不能減

徒增海運之費一江南至天津海

道如吳淞口之陰沙黃河口之大沙

五條沙山東之貓兒島沙門島皆沙

碓叢雜一天庾正供非可嘗試於不測

之地一前代欲避外洋之險議由

膠西開陸地逕通直沽海口勞費不

貲雍正初朱軾亦奏開膠萊運道卒

以工力難施而止一旗丁不習海

洋必責成船戶又非如旗丁有冊可

稽且不能多設官弁出洋巡視必至

偷賣缺額捏報沈失甚或有通盜濟

匪諸弊一海行風信靡常遲速平

險皆非人力可施一海運須籌經

費至元間每石給中統鈔八兩五錢
迨至大延祐間相距纔數十年已加
至十三兩以古準今其費更大一
海船能載二三千石者計造一船工
價不下萬兩全漕需船一千七八百
號卽需銀一千七八百萬兩一造
船旣不能行必雇商船照民價給之
則費不貲若祇給官價則在官支發
之數已多而船戶猶以賠累爲辭必
多規避况吳淞頭號沙船止四五十
隻閩省惟赴天津大船始諳海道數
亦不敷粵省相距遠其船向不能北
行浙省則並無船可雇一元明海
運米多漂失到倉欠交者每石自數
合至一斗數升不等今生齒日繁人
之所食浮于地之所產豈堪再有漂
失一海運須設水師若令現有水
師分段護送則兵船少而漕船多必

上

| | | | | | | | | | | | | | | | | | |
|----|----|-------------------|-------------------|-------------------|--------------------|--------------------|-------------------|-------------------|-----------|----------------|----------------|----------------|---------------|----------------|----------------|---------------|-----------------|
| 欽此 | 法也 | 宜之計斷不可輕議更張所謂利不百不變 | 行亦惟有起剝盤壩或酌量截留為暫時權 | 期遄達即萬一河湖盈絀不齊漕船不能暢 | 成法將河道盡心修治河流行順軌則漕運按 | 運由內河行走已閱數百年惟有利亦相因漕 | 在情形河漕二務其弊相乘其利亦相因漕 | 諭勒保等會議海運以為必不可行自係實 | 難保不流為匪奏入奉 | 道者而此常年運漕之眾一旦失業 | 以為生若由海運則須另募熟悉海 | 工短絳等項總計八九萬人窮民資 | 價驟騰亦碍生計一運丁所用兵 | 海運斷不能多帶貨物將來京城物 | 一京師百貨之集悉來自糧艘若由 | 即須增兵三四萬糧餉又復不貲 | 至有名無實若每船配兵一二二十名 |
|----|----|-------------------|-------------------|-------------------|--------------------|--------------------|-------------------|-------------------|-----------|----------------|----------------|----------------|---------------|----------------|----------------|---------------|-----------------|

經理同年陳少司馬梅垞侯樞部狝庵

葬事

陳侯兩先生皆府君甲辰同年侯先生下世已廿餘年尙在淺土其子履端來謁府君詢其家計爲之黯然因助其購地營葬陳先生幼孫以三香憶舊圖乞題府君詢知司馬亦未克葬乃爲之經營窀穸魏春松侍御有詩云許窺東閣花茵暖爲軫西華葛帔寒蓋紀實也

奏海昌南沙地方請改歸蕭山管轄並

籌移駐官員及酌定鹽竈章程

海寧州屬之南沙地方坐落海之南岸自乾隆二十四年海道北徙以後

蕭山等處俱已盡徙于海之南岸與
 蕭山縣境地毘連現由海寧赴南沙
 陸路二十餘里復航海二十餘里海
 中風況不順一時不能逕渡該州遇
 命盜應勘案件行程不能迅速卽民
 問戶婚田土赴官控訴亦以跋涉為
 難若由蕭山赴南沙水陸僅五十里
 並無江海間阻府君親赴該處逐加
 履勘因奏請將南沙全境改隸蕭山
 縣管轄其徵租仍照海寧原則辦理
 至該處蕭山為南沙聚集稠密之區
 原設巡檢不足以資彈壓應請將向
 駐府城之紹興府同知移駐蕭山其
 蕭山巡檢移駐河莊山地方分地巡
 防庶捕盜緝私均資得力又該處向
 為斥鹵煎鹽竈戶與民人雜處未免
 散漫難稽應令各竈戶聚處成團河
 莊擬聚十二團黨山擬聚十團每戶

一錫一盤合龜煎鹽可以按團稽察
向來發帑收買招商配運雖可轉輸
究不若僉商自辦官爲督察更
屬妥協奉

旨如所請行

奏改嘉善縣爲疲繁難要缺在外調補

以資治理

嘉善縣接壤松江幅幘遼闊賦額繁多
民風好訟書役疲頑撫字催科均
非初任人員所能勝任因奏請改爲
疲繁難兼三要缺在外揀員調補別
將紹興北塘通判一缺改簡歸選
彼此互易以符定制經部議行

奏浙省彌補倉庫請展限三年

浙省州縣舊虧倉庫錢糧嘉慶五年
 清查共銀一百八十七萬有奇奏明
 由現任各州縣按年捐解彌補約計
 嘉慶十七年可以彌補全完府君體
 察情形各州縣因前剿辦海寇捐辦
 緝捕經費及墊解民欠等項若令與
 彌補銀兩一齊捐解州縣力有不逮
 因奏請展限三年統于嘉慶二十年
 捐補齊全奉

旨允准

奏幫丁成造漕船經費請酌量加增以

紓丁力

浙江各幫每造一船例給旗丁料價
 銀二百八兩零令其自行採購料物
 成造但遇年物價昂貴成造一船實
 需銀一千二三百兩不等窮丁無力

賠墊惟有輾轉借那以完公事府君念旗丁賠累過重若不急于調劑勢將疲乏益甚因奏請照江廣置造剝船之例每船給銀八百兩計每年應造船一百一十餘隻共需漆銀六萬餘兩查浙省有道庫減存行月備料等項每年除支給外餘銀八萬四千餘兩此項本係勻給現運旗丁之欸每年卽於此項內動支銀六萬餘兩撥給旗丁爲添補造船之用以裁船給丁之餘欸補幫丁造船之不足似於漕運丁情兩有裨益奉

旨交部議行

八月奏紹台金嚴處各府屬山田被旱請將新舊錢糧銀米酌予緩征

本年五六月間得雨較遲紹興府屬
 之諸暨新昌嵊縣台州府屬之天台
 金華府屬之永康武義浦江嚴州府
 屬之建德遂安壽昌桐廬分水杭嚴
 衛處州府屬之麗水縉雲青田松陽
 宣平及附近桐廬之杭屬富陽共十
 八縣一衛高阜田畝早晚稻俱有減
 歉民力拮据因請將本年應徵新舊
 錢糧銀米緩至來年秋獲後分年帶
 徵以紓民力得

旨允行

九月蒙

恩擢兩廣總督十月奏縉雲等縣被旱成災請

分別蠲緩酌給口糧又仁和等縣被冷

歉收請分別緩征

紹台等五府屬被旱成災府君業于八月中奏請

恩施分別

緩征續查得宣平麗水縉雲青田四

縣補種雜糧仍未能一律普收又仁

和歸安烏程德清武康仙居六縣俱

因八月中旬驟值霜寒風冷禾稻收

成歉薄因奏請將宣平等四縣成災

田畝按照分數分別蠲免其實在無

力貧民賞給一月口糧本折兼放以

資接濟仁和等六縣歉收田畝並續

報台州一衛應征本年新舊銀米俱

請緩至來年秋成後分年帶征其有

漕之仁和等縣應征本年漕南等米

請一併緩至來年秋獲後分年帶征

起解以紓民力亦得

旨允行

十一月入都展覲蒙

恩名見四次

賞戴花翎

府君入覲時蒙

恩諭從前辦理寧石兵事口不言功
特旨賞戴花翎

十七年壬申四十七歲

二月抵粵督任奏東西二省大計請一體展限並將東省應劾人員先行撤任以肅吏治

召入都東 上年恭值計典因前任松制軍奉

府君抵粵後於所屬官員賢否未能
周知因奏請再展限半年至應劾之
員關係地方應先行撤任察看嗣復
奏請分別降補勒休奉
硃批能如此察吏方不媿
督撫之任欽此

奏佐雜官獲盜准升知縣請先試用一

年再行序補

向例佐雜官獲盜准陞知縣發往原
省無論應題應調應選之缺儘先補
用府君謂此等人員祇效奔走巡緝
之勞未諳錢穀刑名之任若不論缺
之繁簡俱得先儘實補恐才具長短
不一驟膺劇任多不能勝應請于引

見回省後先行試用一年期滿與大挑議敘捐

納等項分缺輪補以一大挑一獲盜

一議敘一捐納為一輪周而復始奉部議准遂著為例

三月奏內河水師備弁補缺請酌量變

通以收得人之效

粵省奏補內河水師備弁每因合例人少屢奉部駁以致員缺久曠府君奏嗣後如有才堪勝任而於例未符者即奏請陞署一年期滿再請實授又奏陸路人員遇有巡緝皆乘船往來于內河水師多屬請習請于陸路酌保遊擊都司各一員守備千把各二員先期奏明遇有內河水師缺出如無木項應陞人員即將改用之員題補以資緝捕而收實效均奉

旨允行

四月奏南雄嘉應兩屬請俱復為州以

從民便

前制軍松公奏將嘉應府改州而陞南雄為府割韶州府屬翁源縣隸焉府君抵粵後據翁源士民紛紛赴省陳訴謂該縣距南雄水程計入百餘里陸路亦五百餘里考試獄訟諸多未便請仍歸韶州府管轄府君復加體察謂嘉應必須改州南雄實未便改府因奏請將嘉應南雄兩屬俱復為州報可

奏復新會縣學額

新會舊為中學文章額進二十名武
童額進十五名雍正九年改為小學
近來戶口繁衍應試人數衆多因奏
請酌增文武學額各三名以廣作育

飭漁船攜帶砲位一律繳案以清盜源

粵省從前緝捕洋匪曾雇撈繪漁船
攜帶砲械幫同追捕迨洋面肅清而
狡頑漁戶或將砲位潛匿竊出為匪
府君疊飭員弁嚴密查訪節次起獲
二百斤以上至七百斤鐵砲二十位
一二千斤大砲二位數十斤至一百
餘斤竹節子母砲四十
餘門而盜風幾淨矣

四月奏定會匪案內被脅出錢及自首

再犯各罪名

向例粵省辦理異姓結拜弟兄聚衆
四十人以上之案其從犯曾經轉糾
夥黨者俱于極邊烟瘴本例上酌加
一等發黑龍江爲奴至被脅結拜或
止畏累出錢並未隨同結拜均例無
治罪明文府君與溫廉訪承志悉心
參酌因奏請此等人犯訊係良民被
脅勉從結拜者于聽糾爲從軍流罪
上減一等杖一百徒三年其畏累出
錢並未隨同結拜者照違制律杖一
百如聞拿投首及事未發而自首各
照律例分別減免若減免之後復犯
結拜不許再首均于應擬本罪上酌
予加等以示懲儆奉

旨交部議行

是月領到

恩賞

御製嗣統述

聖詩全函六月奉到

御製守成論喜雪賦墨刻各一分九月奉到

御製南苑大閱詩墨刻一分奏水師提臣出洋

請將軍政展限三月

水師童軍門鎮陞因閩洋未靖督帶
師船堵緝所有本年軍政應行舉劾

各弁未能親加詳查
核辦因奏請展限

是月奏鹽務無著銀兩立法歸補並另

派運商經理局務

粵東運庫款目膠轕府君飭運司清查實在虛懸無著銀五十七萬五千七百餘兩局商十人僅存其五家業窘乏無可著追因奏粵商向有每年捐輸師船銀八萬六千六百餘兩一欸前經奏明三年後停止今據衆商愿于十九年三月期滿後仍照數接捐以清運庫無著之欸約計六年有餘卽可將前項全數補足再粵鹽自局艚遭風缺壞雖有綱局之名而無領辦之實應請將各局商撤去于運商中擇其誠實安幹者數人在局經理俟三四年後再擇別埠誠實商人更替卽可藉以稽查不致久而滋弊

定水陸緝捕章程

粵東洋面業已肅清惟內河及陸路
土匪未靖報案頻聞府君履任後卽
委員督緝因奏陳緝捕情形言臣就
失事各地方體察始知懲創于事發
之後不如防範于未事之先又必得
其地以截逋竄之途尤在得其人以
收督捕之效蓋廣韶一帶內河則港
汊多歧陸路則岡嶺環互水巖卽由
陸竄陸嚴卽由水逃惟有設卡添兵
分路巡緝復于適中要隘選派能事
文武大員居中調度一有賊踪分投
圍截庶當時不能逃竄事後亦易追
拏又奏廣肇潮嘉各屬好勇嗜利視
劫掠爲慣常雖耕種及有藝業之人
一遇糾約輒聽從夥劫分得贓物卽
復事舊業其糾夥也不必素識頃刻
附和成羣其散逃也不必窩藏執業
仍同良善忽聚忽散無一定攢集之

處無顯著可拿之迹若不加大懲創
 日久蔓延滋擾其為害更甚于海洋
 而各屬深山大谷林箐糾紛路徑歧
 出各匪被拿奔竄度岡越嶺隱現靡
 常非購線探蹤無從著手且匪黨烏
 合動輒糾聚多人若無多兵扼要守
 待則倉卒遇捕勢又不能相勝必須
 派兵分駐各要隘路口截其出入之
 逕不惜重賞不拘時日方可漸期弋
 獲奏入有

旨令籌議

設卡派兵章程以聞府君乃就廣肇
 韶連各府州酌分為西南西北兩路
 西北路捕務派何總鎮君佐總理駐
 劄清遠縣城而以佛山同知楊君時
 行番禺令吉君恒佐之恒參將仁常
 遊擊永往來策應西南南路捕務派富
 觀察綸總理駐劄南海縣屬大洛新
 墟而以彭州牧昭麟劉州牧光暉佐

世醫三傳卷二

旨

之鍾協鎮岳李協鎮應祥陳叅將鎮
 邦往來策應兩路一律設卡添兵並
 將三水縣丞移駐西南墟高要縣丞
 移駐金利墟連州州判移駐陽山縣
 屬之七輦墟以資彈壓又于三水縣
 屬思賢濬高要縣屬峽口靈山等處
 添設巡船酌派弁兵駕巡捕緝府君
 復隨時稽其勤惰明其賞罰連據報
 獲著名積匪多人因將任事出力員
 弁奏請

恩施並將獲犯最多之廣州協都司張仁奏請
 留粵以遊擊陞用先換頂戴得旨允准

十八年癸酉四十八歲

二月查閱惠潮一帶營伍三月奏內河

陸路疊獲著名積匪地方安靜請將各路派緝之文員撤回本任

內河陸路自上年設卡添兵四處
 捕陸績拏獲盜匪七百餘名內有積
 年兇惡盜匪如南海之關亞偉蔡亞
 介順德之陳文體廣寧之江三高要
 之嚴幹冲番禺之曾添富皆已緝獲
 匪徒俱知儆惕地方漸臻安靜因奏
 請將各路文員先行撤回即責成該
 管地方官隨時嚴密緝查其武弁兵
 丁留駐一二年再行察看分別撤留
 並請將出力員弁量予鼓勵奉

諭該督等緝捕盜匪辦理認真戢暴安良著
 有成效著交部議敘其出力之文武員弁著
 照所請加恩以
 示鼓勵欽此

三月奉到

恩賞

御製養心殿記墨刻一分七月奉到

御製詩二集全部八月奏內地商民侵用暹羅

國貨銀按例治罪並先行墊款給領俾

夷使早日歸國

| | | | | | |
|---|---|---|---|---|---|
| 外 | 給 | 千 | 蘇 | 貿 | 豐 |
| 國 | 當 | 九 | 木 | 易 | 順 |
| 詐 | 卽 | 百 | 赴 | 為 | 民 |
| 騙 | 提 | 五 | 江 | 該 | 徐 |
| 財 | 託 | 十 | 南 | 國 | 茂 |
| 物 | 屬 | 圓 | 上 | 王 | 澄 |
| 例 | 實 | 經 | 海 | 代 | 海 |
| 擬 | 將 | 該 | 售 | 駕 | 民 |
| 軍 | 徐 | 國 | 賣 | 夷 | 陳 |
| 一 | 茂 | 貢 | 侵 | 船 | 金 |
| 面 | 等 | 使 | 用 | 販 | 因 |
| 照 | 依 | 呈 | 花 | 運 | 在 |
| 會 | 交 | 請 | 銀 | 胡 | 暹 |
| 該 | 結 | 追 | 四 | 椒 | 羅 |

國王嗣後毋再與內地民人貿易交
涉並不得倩雇內地商民代駕貨船
其應追銀兩先行籌款墊交該貢使
領賚回國以示

天朝懷柔

遠人至意嗣該國王復額請中華商

民代駕貢船府君不許及貢使來粵

復繳還墊項府君以既經奉

旨頒給卽係

天朝恩賚若又准繳還轉非俯卹外夷之道因

奏請發還

上以為得體優加

嘉獎焉

署撫篆

韓中丞桂船先生展覲入都府君因
奉

旨兼攝

奏廣肇二府被水請動碾常平倉穀平糶以濟民食

本年夏間南海高要等縣雨水漲發田畝被淹糧價稍昂向例廣西省有備東穀十萬分貯桂林水次以備東省撥用但長途挽運緩不濟急因請于南海等縣常平倉穀先行碾動出糶以濟民食一俟西穀運到按數撥還奉

旨如所請行

奏大挑知縣人數壅滯請稍為疏通以儲人才

近年各省試用人員較多大挑班補缺壅滯粵東嘉慶六年大挑未補缺

敕

下部臣

者尚有四員十三年大批未補缺者
尚有十五員該員多由寒素出身需
次日久苦累異常其改用教職者以
曾經簽掣省分不准復預會試其請
假回籍者亦不得復赴禮闈每有壯
年筮仕皓首賦閒進取無由轉成類
弃似于人材可惜因請

殊

批所奏

該省上屆挑往舊班未補缺者尚有
幾員擬定此次挑發新班幾員以足
該省應發之數其已經分發到省無
論試用會否期滿告假改教回籍未
經委署地方者仍准其一體會試奉
甚是下部議行

九月豫東教匪作亂並有賊潛入

紫禁城持械逞兇欽奉

御製遇變罪已詔因敬摠惕厲愧憤愚忱並奏

陳察吏之要得

旨嘉獎

朝深仁厚澤為史冊所未有而光天化日之下

竟有此愍不畏死之亂民以臣思之亦非盡地方官倉猝激變所致誠如

聖諭變起一時禍積有日始而萌蘖方滋漫無

覺察繼而燎原將熾尚冀消彌苟且

目前規避處分以致水懦民玩釀成

亂逆此因循怠玩之弊咎在州縣而

表率無方勸懲不力則督撫藩臬道

府之責尤重其咎尤深欲防亂于未

然首在甄別道府州縣近日州縣貪

酷者尚少而委靡者甚多該管道府

耳目切近非不知某員闕冗某員勤幹每以闕冗之員並無實在劣蹟姑息寬容甚或以闕冗者爲安詳勤幹者爲多事黑白不分是非倒置督撫藩臬稍不加意卽受其欺蒙夫闕冗之患與貪酷等臣愚以爲目前急務莫先于察吏而欲振相沿之弊曠當用破格之勸懲凡貪酷者固應嚴叅平庸者隨時勸休改用不必俟計典之年始行覈辦其有守有爲勤能愛民者卽密奏請爲之勸道府得人則州縣治州縣得人則閭閻安將禍亂之萌自消太平之福可致矣

旨優獎以

殊批此係非常大變總由因循而成朕力除此弊必期振作知人安民洵知言也又諭日已通諭直省矣

奏定南雄嘉應兩州學額

府君既奏定兩屬俱復為州並裁去
 程鄉縣所有該縣學額若悉歸嘉應
 則南雄士子未免向隅因奏請程鄉
 舊額十三名以八名歸嘉應以五名
 歸南雄武童舊額十六名以七名歸
 嘉應以九名歸南雄其廩增額數嘉
 應添作四十八名南雄添作四十二
 名俱仍照府學例一年一貢經部議
 行

命長子霖遠就婚吳門吳氏

長嫂吳氏為府君甲辰房師蠡壽先
 生之孫女山東學政翰林學士巢松
 公諱慈鶴
 之長女

十九年甲戌四十九歲

正月確覈東西二省才不勝任及才具有為之員分別舉劾

摺內應劾者廣東八人廣西二人請分別勒休改教調簡降補其才具有為者六人請分別陞擢調補均奉

旨允准

敬繳養廉銀二萬兩以佐豫東公需蒙

恩賞加一級二月交卸撫篆閏二月奏定嚴緝

會匪章程

時會匪嚴貴邱等已獲而餘匪猶未靖府君與董觀橋中丞聯銜具奏言

通世醫手譜

廣肇等府屬舊有三合會名目自嘉慶十六年以來嚴拿懲辦問擬斬絞遣成流徒者不下三千數百八兩年各屬拏辦者亦不下五百餘人而結拜搶劫之風仍未盡息以寬大則頽風不可挽操之嚴峻而愚民又可矜惟有三尺難犯之條姑散其黨羽明諭以誅其首惡宥其脅從予以一線自新之路俾愚民貪生畏法惡俗漸移臣等現在申嚴保甲並刊刻告示曉諭各紳民保良攻匪首告者立予獎賞自首者照律免罪責成該保甲及本人父兄保領管束再犯者加倍治罪並將保領之人一併嚴懲復恐該匪等因偵緝嚴緊潛逃隣省已咨會福建江西湖南廣西督撫一體查辦倘各屬文武緝捕懈弛或任兵役藉端索擾立即據實嚴參

是月奉到

御製肅吏治修武備諭行實政論墨刻各一分
因再陳用人弊吏之要得

旨嘉獎

府君奏言外省官員去民較近察吏最親承上達下以佐督撫司道耳目之不逮惟道府是賴天下道府由牧令起家者十之二三由部院外擢者十之七八誠以司員持進退准駁之衡俾之練習日深通今不致于泥古然後敷施有本坐言即可起行聞近來司員少卓然表著者非今之人必不昔若也一由滿洲之廕生太易一由漢員之捐班太多請

勅部臣隨時考覈於部務不甚相宜者奏明以

同知通判分發各省使之勉于猷為
以供器使而部曹亦漸疏通矣今之
才守克兼沈淪下位者實不乏人請
飭公正大臣選擇聲名較優之員多為保薦恭
候

聖明鑒別擇

其名實相副者遞加超擢分布中

外使之連茹彙征相觀而善抑臣更
有陳者任事之與專擅有義利之分
若一任事即專擅陷之則眾口
可以鑠金官常樂推諉以自全矣協
恭之與黨援有公私之別若兩人協
恭即與黨援目之則立異可以遠嫌
書吏得乘機而舞弊矣此近今之積
習為大臣者當力除之至于翰林固
屬詞臣然務在崇正學抑浮華養成
明體達用之才似不必專以文章課
殿最科道為

朝廷耳目之官其有識見卓越才品清正者似當由京堂而擢卿貳與翰詹衙門參用總之有治人無治法而用人之法因才因地因時臣下無可市之恩君上有特揀之鑑人無求備懲貪者不宥其瑕政在集思職要者勿撓于衆而人才自奮興矣

諭曰司員保舉外任該堂官既列之薦章朕卽于此內簡膺方面乃稱職固多而濫竽實亦不少當保送之時該堂官以其年資合格不肯嚴加甄別一經外用督撫等又以特簡之員不肯輕加糾劾任其詒誤地方於吏治民生所關非淺嗣後內外大臣務各慎簡乃僚勤修厥職俾賢傑奮興庶明勵翼朕實有厚望焉
欽此

三月遵

旨馳赴粵西會同

欽差侍郎初公彭齡新任西撫台公斐音查辦

前撫臣某公任內各案并嚴查粵西州

縣倉庫虧缺情形分別治罪追賠

前撫臣某公各案府君既會同星使

初公中丞台公研鞠定擬具奏奉

上諭以所辦輕縱時初公已赴安徽
特命府君偕台公會鞠加重定擬其虧缺倉庫
之州縣亦分別
革職解任究追

奏州縣墊完民欠實情請分年催徵歸

欵

府君既會同西撫將虧空各員論奏如律復奏言粵西錢糧歷係年清年欸其實向有民欠奏銷時墊解全完自嘉慶元年豁免積欠之後舊欠本未報出礙難征還而民間轉以拖欠爲得計又州縣于每村輪派一人催征名爲冬頭一年一換往往串同書役以完作欠逮下年冬頭更替無憑追查加以州縣催科不力民欠愈積愈多每屆奏銷仍報全完往往以流交之穀價墊解地丁及至倉穀交代無著則又以民欠作抵查向來交代章程民欠准抵十年仍分遠年近年遞年折算現除民欠在十年以前業已賠解不入交代餘按民欠不及一千兩者限一年二千兩限二年以次遞增至多者至一萬兩統限十年全完于催征之中仍示體卹之意其零

續刊彙編

星尾欠州縣情願墊解者自嘉慶十九年以後只准以三年零欠作抵交代仍不准私那倉庫正欵違者前後任及該管府州一併參辦

奏請飭禁土司界內客民開設鐵錫等

廠以靖地方

西省賀縣之六浮山及回面肚山二處有商人鐵廠錫廠三座每處工丁一二百名府君恐人眾難于稽查奏請封禁并散遣工丁在案茲復奏土司所轄界內尤不宜設有廠座致使匪徒闖入因而句誘盤剝為害地方因通飭西省遇有呈請添設鐵錫等廠概應詳駁不准私設勒限散遣工丁即予封禁庶邊隅可期永靖奉

殊批所辦甚是久而不懈方妥欽此

八月回廣東省城奏粵洋巡緝章程

粵洋綿亘三千餘里雖大段肅清而零星土匪間由外洋竄入又本境蛋漁船隻乘隙爲匪本年春夏以來如南皋滾及圭湖墩洋面屢有報案府君回東後查係該管總兵將各營師船調遣遠出致本境空虛土匪得以乘間竊發因將辦理不善之總兵請旨交部嚴議復奏洋巡章程向例分爲中路東上東下西上西下凡五路定以統巡總巡分巡會哨名目責成各鎮將備率帶師船按照各路界限實力搜捕統歸水師提督督巡仍令該提督春季親往西路秋季親往東路分查洋面校閱水師歷經遵行在案但今昔情形不同且統巡總巡所到飭帶師船旣多轉有本境空虛之患而提督

巡洋不論事勢緩急但限定春秋二季恐宵小得以預期趨避臣與提臣童鎮陞熟籌惟以本汛之舟師巡本汛之洋面逐段搜查不予以隙而匪船自難漏網矣其總巡分巡必須按照洋面之短長派定船隻之多寡俱改爲分段巡緝統巡官酌帶二三船往來稽查獎勤懲惰以專責成仍分上下兩班半年一換至提臣巡閱東西路海洋無須畫分春秋期限隨時擇要親督巡查俾匪徒無從揣測洋巡不能混淆益足以昭嚴密而靖海壖奉

殊批依議辦理有弊卽參毋稍寬縱欽此

十月奏陳整飭狼兵事宜

是時有

旨詢問狼兵情形府君乃奏言狼兵名目見于

朝仍其舊

明史兵志成化嘉靖間韓雍王守仁調遣奏績卽以籍沒賊田派給耕種名曰狼田又有堡兵隘丁鄉勇士勇耕兵樓兵等項名目各給兵田多寡不等賦比常額較輕我

制蓋粵西崇山密箐道路之夷險獠獠之虛實惟土兵知之最悉且其人服習水土素耐烟瘴是以分給軍田輕其糧賦平居則耕種巡防有事則徵發調遣洵爲寓兵於農以土禦土之良法第承平日久邊徼救安土兵但享耕種之樂不習訓練之勞非所以重苗疆而裕武備現查廣西省狼兵及堡兵等實數共五千四百八十五名廣東省狼兵及獠兵等實數共四百十六名均有田糧足資兵食向來設有總長凡督率差掾稽查典賣較地方官尤易爲力應請嗣後各兵

差揀不力准總長呈報地方官換照
 選充或民人私售軍田亦令總長報
 官究辦倘總長徇私舞弊即行革退
 追田于士兵中另行選充每歲農隙
 文員會同營汛定期揀演明示勸懲
 該管道府直隸州因公過境抽驗校
 閱每值年終該州縣各將兵足田存
 之處切實結報似此立定章程庶狼
 兵士兵益資邊防之
 益而田糧不致虛糜

奏請生監考試槩令敬謹默寫

聖諭廣訓

向例歲科考取進童生覆試之日令
 其敬謹默寫

聖訓而生員歲科試並貢監錄科考遺皆未嘗
 默寫定例似未畫一因奏請

勅下部臣通行各直省凡學臣歲科試並貢監錄科考遺均令敬謹默寫其不能默寫者生員降等貢監不錄庶朝夕講習砥礪躬行得漸收化民成俗之效

十月查閱肇慶高州雷州各屬營伍奏陳夷商貿易情形並酌籌整飭洋行章程

程

粵東瀕海例准夷船貿易時噴咭喇國與咪喇啞國構釁其護貨兵船不遵定制竟抵虎門府君嚴飭守口員弁登時逐出復名該國大班嗑啞咂嚴加詰責一面調齊中路巡洋舟師整肅隊伍連環揜演鎗砲示以兵威該大班遞稟謝罪府君因奏請嗣後外夷護貨兵船祇准停泊零丁潭仔

洋面不得駛近內洋亦不得于貨船
出口之後復有逗留並請申禁內地
民人不得私借夷人資本及揭欠夷
債或私為夷人服役其澳門貿易民
人不得搭蓋夷式房屋舖戶不得用
夷字店號洋商必須身家實辦事
明妥者公平評估不得濫保身家淺
薄之人俱奉

旨准行

十二月奉到

御製詩二集全部

二十年乙亥五十歲

二月校閱南韶連各鎮暨順德新會各

協營伍三月奏巡海中小號米艇請酌量改造以資緝捕

粵東海面遼闊港汊分歧全在巡緝船隻得力向來額設大中小號米艇一百四十隻分配各營常川巡緝茲提督童公往來洋面體察情形所有中小號米艇載駛折戩不甚得力應量為裁改以歸實用查粵洋向有撈繒船一項係漁戶聚族而居外洋淺水沿海港口均能駕駛較之米艇追逐靈便因奏請裁中小米艇二十號改造撈繒船三十四隻仍照舊例三年小修再三年大修再三年拆造以歸覈實得

旨允行

奏定拏獲鴉片烟獎賞章程並酌寬失

察處分

鴉片烟久干例禁地方文武恐拏獲
 到案轉罹失察之咎因而瞻顧因循
 者有之爰奏請嗣後拏獲鴉片烟之
 案如係本任自獲免其失察處分如
 經後任緝獲其前僅止失于覺察亦
 准其減等議處其拏獲隣境與販之
 案應計其獲烟斤數給予議敘每二
 百斤給予紀錄一次每千斤給予加
 一級以次遞加獲至五千斤以上送
 部引

見若軍民

人等能將人烟併獲者每百斤以上

賞銀十兩以次遞加倘地方官及管

關守口員弁得規徇縱特參拏問兵

差人等挾嫌誣拏卽治以誣良之罪

上

奉

諭拏獲鴉片烟之案除查係地方委員等得
規徇縱者必當嚴叅辦理外其僅止失察者
竟當概行寬免處分餘著照該督所請行欽
此

奏營弁酌量改隸以便統轄

英清營內河水師守備係順德協副
將所屬而駐劄清遠縣與陸路南韶
連鎮右營遊擊同城所管河面兩岸
皆係南韶連鎮汎防彼此不相聯屬
而統轄之副將相隔三百餘里呼應
不靈因奏請將原駐清遠縣之南韶
連鎮左營遊擊改為清遠營遊擊同
城之英清營守備即改為清遠營中
軍守備仍隸南韶連鎮統轄其原駐
韶州之南韶連鎮左營守備改歸該

鎮中軍遊擊兼管以期聲勢聯絡
防緝捕均有裨益又清遠屬之濱江
司巡檢應移駐沙河地方並于濱江
適中之浸潭墟添設守備一員撥兵
添汎以資彈壓而便
巡緝奉部議准行

二十一年丙子五十一歲

三月自粵起程入都展覲五月六日抵

京蒙

召見五次並蒙

給假省墓閏六月廿二日旋粵任奏陳嘆咭喇

國入貢應就近由粵東北上請申明定

制得

旨嘉獎

勅諭該國

是年英咭喇國遣使入貢由海道赴
 天津府君奏該國與中土不通其進
 天而求貿易意在壟斷網利查外夷
 貢而求貿易意在壟斷網利查外夷
 入貢如琉球由福建暹羅由廣東越
 南由廣西緬甸由雲南皆就近登岸
 入貢喚咭喇貢船先由粵洋經過何
 得舍近就遠徑赴天津應請
 王以該國距京遙遠無須跋涉貢獻
 卽須入貢當就近由廣東東北上不可
 昌險遠涉于他處收口若不恪守章
 程船到天津不准登岸並不接收貢
 物卽由粵東貿易亦可停止此貢使
 似當由陸路派員伴送來粵其餘仍
 由海道原船回國均不許逗留奏入

奉

殊批君臣同心所論無一字不合又奉

諭旨該督于數千里外所論理與朕前後飭辦無一不相合實能深知朕心遇事能見其大

可嘉之至欽此

二十二年丁丑五十二歲

正月兼署撫篆二月兼署粵海關監督

篆會議海口巡防章程

是時有

旨整飭各省海防府君乃會同水師提督酌議

章程四條一新安縣屬大嶼山孤

懸海外應于東涌口添建汛房八間

圍牆五十丈派外委一員兵丁二十

名分防駐守並于大澳口西面左右

村莊二處各建垛牆四十丈北面
 房後建一垛牆四十丈以備添兵架砲
 之用一鎮遠南山砲臺附近寬闊
 之處應建立土城酌設營房於督標
 提標征兵內各派一百名分上下半
 年前往貼防酌派參遊都守帶往駐
 劄操演以助聲勢一番番禺縣屬獵
 德汎為外夷貨船進口後必由之道
 應添設四方砲臺一座以資控制
 一香山縣澳門地方砲臺六座向來
 止聽夷目各派番兵自行防守不足
 以專責成應令香山協副將澳門同
 知隨時稽察

四月奉到

恩賞

通世...

...

欽定全唐文一部奏閩皖商販茶葉請遵照舊

例仍由內河運粵以重海禁

府君既申嚴海防因思茶葉為夷人必需之物從前福建之武彝茶安徽之松蘿茶商人悉由江西內河販運來粵近因洋面平靖改為海運嘉慶十八年海運茶七十六萬四千一百餘斤至二十一年竟增至六百七十萬三千餘斤茶葉為夷人日食所不可少一經禁止出洋即于生命有關實為控制之要道若聽其海運恐奸商串通點夷私相賣買且恐有夾帶違禁之物應奏請

勅下閩浙安徽各督撫嚴禁海運概令仍歸內河過山販運來粵以收控馭之益殊批所奏甚是依議速行

奏外洋巡緝船隻請酌量改造以便駕
駛

粵洋舊設船艚船二十一隻行動遲
鈍追捕巡防均屬無益因奏請裁汰
另造大八槳船十隻以資巡緝不
論淺水深洋均可行駛部議准行

十月查丈南雄州田畝奏請將賦額量

為變通以紓民力

南雄州錢糧積欠較多府君查係
糧不清虛糧未豁所致因委員協同
該州分路施丈查得水沖沙壓不堪
墾復田畝一百二十七頃有奇均奏
請照例豁免該州田畝向分官田民
田三十則內官田土薄而賦重民力

完納實形拮据因酌擬田地之腴瘠
 分科則之重輕不論官民統分七則
 徵收俾民力易于輸將至居民新墾
 田一千一百餘頃仍飭行照例陞科
 均奉

旨准行

奏整飭屯田章程

粵東屯田自改設衛所招民佃種可
 以照額徵輸者不過十之五六併有
 實在冲陷荒蕪應行豁除者府君因
 奏請各屬屯田其報墾年久已成沃
 壤應照上則民田一律征收其地土
 瘠薄收成不足原額應核實減則至
 新墾沙灘只可照極輕鹵則定額請
 分別辦理奉

旨依議

八月卸署撫篆九月奉

命調任四川總督復奉

旨馳驛速赴新任十月朔由粵啟行十一月抵

四川任

府君荷蒙

恩旨調任即具摺陳謝奉

殊批西南保障疆宇寥廓獄訟滋繁以清慎居

心勤明任事察吏宜嚴治民以正切忌疲玩

因循常思威克厥愛勉之毋怠欽此此抵川

省恭報接印任事日期摺內復奉

殊批川省吏治弊壞專尚營求民風强悍好勇

鬪狠汝竭力整頓以期挽回勉之欽此

奏大計軍政請分別展限以期核實

在

川省軍政應于九月內舉行大計應
 于封印前具題府君以到任未久所
 屬文武賢否未能周知請將本年軍
 政展至次年三月舉行計典展至六
 月底具題均奉

繩世齋年譜卷上終

繩世齋年譜卷下

礪堂自次 次男壽遠謹附注

嘉慶二十三年戊寅五十三歲

二月奏增巴縣學額

巴縣原設學額十二名嘉慶十六年
 分撥三名歸江北廳學二十一年巴
 縣因應試人多請復舊額經前任制
 軍常公請于學額較多之銅梁縣裁
 減一名安居鄉裁減二名畀之而銅
 梁安居士民又在部呈請復額有
 君謂合銅安二處應試文童人數尚
 少于巴縣而學額轉多七名本欠平
 允然銅安二處學額本同文風亦不
 相上下而獨于安居額內多裁一名

旨飭議府

繩樞齋年譜卷丁

亦未允協因奏請于銅安二處學額
各裁一名撥歸巴縣以昭公允奉

旨依議

奉到

恩賞

欽定平定教匪紀畧一部三月奏定嚴禁咽匪

帶刀造刀章程

川省五方雜處游民易于為匪糾夥
肆搶在黑被者呼為黑錢白晝者呼
為紅錢帶刀者呼為刀背客統名咽
匪乾隆年間另立重治川匪專條前
制軍常公又奏准分別繫帶鐵桿而
帶刀惡習總未盡除府君謂此項兇

旨如所請行

刀鋒利價昂與尋常所用迥異欲除帶刀之習必先禁造刀之人因通飭地方官查明該管境內鐵匠若干家鎮市以十家為一牌鄉場以五家為一牌如保甲法連環保結一家有犯一牌連坐其孤村腰店如有鐵匠開設爐火即係專造兇刀窩匪通賊之人立行驅除無須編連保結住家舖戶舊存違禁兇刀准其首繳免罪此後仍有帶刀造刀者即並未傷人亦當從嚴懲治以昭炯戒得

六月奏川北廣元綿州巴州等處請添

設遊擊都司營分

川北一帶地方遼闊廣元一縣為入川首站界連陝甘二省自該縣至成

都千有餘里沿途雖設有汛防而並無都守營分不足以資控制卽巴縣一處毗連陝境山深箐密最易藏奸向係通巴營派兵防守地廣兵單亦不足以資彈壓因請于廣元城內添安遊擊營分設遊擊一員守備一員千總二員把總四員外委五員額外二員安兵六百名並於綿州城內添設都司營分設都司一員千總一員把總三員外委四員額外二員安兵三百八十名以聯聲勢其巴縣一處亦應添設遊擊營分設遊擊一員守備一員千總二員把總二員外委二員額外二員安兵四百五十名則通巴南江一帶彈壓巡防可期得力其新營添設將弁應于通省各營內擇其不甚緊要之處抽移改撥以免多糜經費奉

旨飭部議行

七月蒙

欽頒

高宗純皇帝聖訓清漢字各一部九月復奉到御製

高宗純皇帝聖德神功全韻詩一部十月奉

旨兼署成都將軍印務十二月奏都江堰歲修

工費不敷請動支義倉租息以濟公用

而利農田

| | | | | | | | | | | | | | | | | | |
|---|---|---|---|---|---|---|---|---|---|---|---|---|---|---|---|---|---|
| 益 | 為 | 變 | 免 | 滂 | 以 | 川 | 致 | 鹽 | 雍 | 沖 | 通 | 石 | 年 | 川 | 江 | 蜀 | 成 |
| 如 | 備 | 價 | 朽 | 無 | 備 | 省 | 堰 | 茶 | 正 | 刷 | 加 | 牛 | 必 | 西 | 分 | 守 | 都 |
| 所 | 荒 | 幫 | 蠹 | 虞 | 荒 | 有 | 工 | 耗 | 年 | 為 | 築 | 堰 | 須 | 沃 | 溉 | 李 | 府 |
| 請 | 之 | 貼 | 侵 | 穀 | 歉 | 添 | 歲 | 羨 | 間 | 患 | 石 | 黑 | 于 | 野 | 成 | 冰 | 屬 |
| 行 | 用 | 大 | 虧 | 石 | 之 | 設 | 修 | 項 | 奏 | 此 | 籠 | 石 | 堰 | 干 | 都 | 所 | 灌 |
| 欽 | 奉 | 堰 | 諸 | 存 | 用 | 義 | 銀 | 下 | 改 | 項 | 庶 | 堰 | 頭 | 里 | 等 | 築 | 縣 |
| 此 | | 修 | 弊 | 而 | 唯 | 倉 | 兩 | 支 | 動 | 修 | 水 | 江 | 人 | 向 | 十 | 析 | 之 |
| | | 費 | 因 | 不 | 成 | 一 | 每 | 銷 | 用 | 費 | 勢 | 安 | 字 | 無 | 四 | 江 | 都 |
| | | 如 | 請 | 用 | 都 | 項 | 有 | 近 | 從 | 順 | 堰 | 隄 | 旱 | 州 | 流 | 江 | 江 |
| | | 有 | 以 | 積 | 因 | 已 | 短 | 年 | 前 | 軌 | 等 | 實 | 澇 | 縣 | 為 | 大 | 堰 |
| | | 餘 | 此 | 之 | 有 | 置 | 缺 | 茶 | 按 | 分 | 處 | 瓶 | 之 | 田 | 中 | 堰 | 三 |
| | | 剩 | 項 | 日 | 此 | 田 | 府 | 政 | 畝 | 流 | 淘 | 口 | 虞 | 畝 | 內 | 為 | 秦 |
| | | 仍 | 租 | 久 | 堰 | 收 | 君 | 日 | 出 | 不 | 濬 | 新 | 但 | 是 | 外 | 秦 | 時 |
| | | 存 | 穀 | 難 | 旱 | 租 | 查 | 敝 | 于 | 致 | 深 | 舊 | 每 | 以 | 三 | 時 | |

旨事屬兩

益如所請行欽此

覆奏飭禁非刑及現辦緝匪情形

是時御史奏川省州縣有弮杆鈞杆
貼籠等刑有

旨飭禁府

君覆奏川省前辦咽匪及教匪初平

餘孽未靖之時不能不齊以嚴刑今

承平日久聽斷自有常刑臣已嚴飭

各屬銷燬非刑器具惟匪徒仍須按

法懲治不得博寬厚之名留閭閻之

害蓋匪徒之斂肆視州縣之寬嚴稍

存姑息則水懦之患甚于火烈

殊批此言洵屬切當今時多蹈此

論日實力整頓寬嚴並用習俗流于

挽回勉之欽此

奏定省標兵弁訓練章程

川省軍督提三標城守十一營每于

春秋二季定期合操府君與將軍德

春秋二季定期合操府君與將軍德

綱目卷一百一十一

四

殊批隨時

公提督何公于合操之外復隨時操
演每日抽閱二三十名其戰守糧缺
向由本營驗充者府君亦必親閱期
一兵有一兵之用因據實奏陳奉
操演最為良法
勉之毋怠欽此

是年命次子爵遠就婚太湖李氏

不孝元配李氏為江寧方伯蔭原公
長森次女蔭原公府君甲辰同年也

二十四年己卯五十四歲

正月欽奉

恩旨以本年恭逢

六旬萬壽慶辰普免各省錢糧正耗積欠因奏

陳川省歷係年清年款並無民欠復奉
恩旨以川民踴躍輸將特免明年正賦十分之
二並以化導有方賞加一級三月蒙

頒賞

御製再謁

三陵大禮慶成記墨刻一分四月奏定打箭爐
口外各臺糧務及新疆懋功同知並五
屯屯員報滿章程

新疆地方設立懋功章谷撫邊綏靖
崇化五屯派委佐雜人員經管又設

續相齊年

卷一

五

| | | | | | | | | | | | | | |
|---|---|---|---|---|---|---|---|---|---|---|---|---|---|
| 應 | 其 | 滿 | 題 | 得 | 陞 | 缺 | 奏 | 辦 | 一 | 後 | 臺 | 口 | 懋 |
| 一 | 委 | 歸 | 陞 | 缺 | 用 | 派 | 請 | 理 | 體 | 奏 | 糧 | 外 | 功 |
| 體 | 管 | 本 | 用 | 者 | 若 | 往 | 懋 | 參 | 派 | 准 | 務 | 裏 | 同 |
| 辦 | 五 | 班 | 若 | 自 | 由 | 三 | 功 | 差 | 委 | 無 | 定 | 塘 | 知 |
| 理 | 臺 | 儘 | 三 | 得 | 試 | 年 | 同 | 未 | 向 | 論 | 例 | 巴 | 一 |
| 以 | 糧 | 先 | 年 | 缺 | 用 | 期 | 知 | 歸 | 來 | 實 | 遴 | 塘 | 員 |
| 昭 | 務 | 補 | 內 | 之 | 人 | 滿 | 及 | 畫 | 糧 | 缺 | 委 | 拉 | 綜 |
| 公 | 及 | 用 | 未 | 日 | 員 | 以 | 五 | 一 | 員 | 及 | 實 | 里 | 理 |
| 允 | 後 | 不 | 經 | 起 | 派 | 應 | 屯 | 府 | 三 | 試 | 缺 | 察 | 其 |
| 得 | 藏 | 必 | 得 | 扣 | 往 | 陞 | 屯 | 君 | 年 | 用 | 人 | 木 | 事 |
| | 糧 | 再 | 缺 | 於 | 於 | 之 | 務 | 悉 | 報 | 丞 | 員 | 多 | 其 |
| | 務 | 予 | 俟 | 三 | 三 | 缺 | 如 | 心 | 滿 | 倅 | 管 | 西 | 打 |
| | 各 | 陞 | 其 | 年 | 年 | 卽 | 由 | 籌 | 議 | 州 | 理 | 藏 | 箭 |
| | 員 | 階 | 報 | 保 | 內 | 予 | 實 | 酌 | 敘 | 縣 | 嗣 | 五 | 爐 |

旨下部議行

六月會議滇省收買川銅章程

旨令府君

滇省銅廠採銅不敷年額經雲南督撫奏請收買川銅以資接濟有

會同雲貴總督伯公雲南巡撫李公

籌議如何派員經理及酌定價值由

何路發運較為省便之處詳細定議

因奏言川省各廠忽旺忽衰烏坡等

處雖產銅較旺能持久每年實可

得銅若干難以預定應請于本省採

買供鑄之外無論存餘多少儘數聽

滇省收買毋庸定以額數其收買價

值及發運水脚等議列數條附摺陳

奏一收買銅斤每百斤以九兩二

錢五分為定其運道由廠陸運滇省

黃草坪每銅百斤應給運脚銀一兩

四錢七分五厘由黃草坪至瀘州每

百斤向銷運脚七錢七分三厘此

加造船隻及銅房書巡等應議加銀

一錢七分七厘通計自廠至瀘每銅

| | | | | | | | | | | | | | | | | |
|---|---|---|---|---|---|---|---|---|---|---|---|---|---|---|---|---|
| 陸 | 票 | 數 | 免 | 寧 | 若 | 員 | 運 | 廠 | 運 | 公 | 請 | 十 | 較 | 二 | 分 | 百 |
| 運 | 收 | 填 | 延 | 遠 | 干 | 駐 | 一 | 至 | 銅 | 用 | 以 | 斤 | 重 | 十 | 五 | 斤 |
| 一 | 銅 | 票 | 欠 | 府 | 由 | 廠 | 該 | 黃 | 百 | 餘 | 二 | 歸 | 請 | 斤 | 厘 | 實 |
| 運 | 將 | 交 | 其 | 由 | 滇 | 督 | 廠 | 草 | 斤 | 銅 | 成 | 于 | 照 | 現 | 需 | |
| 道 | 票 | 廠 | 發 | 府 | 省 | 同 | 歸 | 坪 | 搭 | 概 | 通 | 川 | 滇 | 開 | 價 | |
| 荒 | 截 | 員 | 運 | 轉 | 廠 | 滇 | 寧 | 係 | 運 | 歸 | 商 | 省 | 廠 | 之 | 脚 | |
| 僻 | 角 | 點 | 銅 | 解 | 員 | 省 | 遠 | 人 | 五 | 滇 | 酌 | 鼓 | 章 | 廠 | 銀 | |
| 處 | 繳 | 交 | 斤 | 赴 | 備 | 委 | 夫 | 夫 | 斤 | 省 | 抽 | 鑄 | 程 | 僻 | 一 | |
| 所 | 回 | 運 | 亦 | 廠 | 文 | 員 | 背 | 背 | 不 | 採 | 耗 | 一 | 每 | 在 | 十 | |
| 應 | 寧 | 至 | 由 | 銅 | 將 | 照 | 負 | 負 | 給 | 買 | 銅 | 每 | 萬 | 萬 | 一 | |
| 移 | 遠 | 黃 | 寧 | 銀 | 價 | 料 | 應 | 應 | 脚 | 三 | 一 | 百 | 山 | 銅 | 兩 | |
| 駐 | 府 | 草 | 遠 | 兩 | 銀 | 凡 | 免 | 免 | 價 | 斤 | 每 | 斤 | 中 | 百 | 八 | |
| 營 | 其 | 坪 | 府 | 交 | 解 | 買 | 其 | 其 | 今 | 以 | 銅 | 抽 | 工 | 斤 | 錢 | |
| 弁 | 水 | 按 | 按 | 以 | 交 | 銅 | 搭 | 搭 | 由 | 充 | 斤 | 課 | 本 | 抽 | 七 | |
| 彈 | 按 | 按 | 按 | 以 | 交 | 銅 | 搭 | 搭 | 由 | 充 | 斤 | 課 | 本 | 課 | 七 | |

壓奏入經部議覆以川省舊例每銅
百斤給價九兩二錢運腳每百斤給
銀九錢七分三厘其請加增銅價之
五分及議加運腳之一錢七分七厘
應行裁減再川省舊例每銅百斤抽
課二十斤抽耗四斤八兩仍應照辦
所請抽課十斤抽耗三斤之處應毋
庸議再滇省舊例運銅百斤搭運五
斤不給腳價此次亦應照辦不得率
請免其搭運其餘均應如原奏辦理
奉此

旨依議欽此

七月啟行入都恭祝

萬壽九月抵京先後蒙

恩召見十次

命偕理藩院尙書賽公帶領土司跪覲

天顏並荷

賞賚文綺朝珠等件十二月回任

本年二月間奉

旨派令府君入都祝嘏並

諭于九月十五日以前到京府君遵

旨于七月二十一日將督篆交將軍兼署起程

進京九月十八日赴

圓明園遞摺請

安十九日帶領頭班土司跪覲

天顏卽同重慶鎮總兵羅公入

同樂園西邊聽戲二十日同理藩院尙書

賽公帶領各土司跪覲于

勤政殿二十四日恭進

萬壽冊頁貢品二十五日奏謝

恩免降留處分兩案是日蒙
賞大小荷包各一對小荷包一個鼻烟一瓶皮

碗碟各一個花炮一匣二十六日於
內西華門外跪迎

聖駕進宮十月初一日陪祀

太廟蒙

恩派

坤寧宮吃肉隨帶第二班土司詣

寧壽宮聽戲初四日恭進如意一柄

壽貢五件初六日

上御太和殿受賀隨班行禮蒙

賞鑲玉如意一柄瑪瑙朝珠一盤帽緯一匣小

刀一把松石烟壺一個雕漆文竹盒
二個初七日於

圓明園道傍跪迎

聖駕帶領第三班土司入

同樂園西邊聽戲初八日

恩派

系村系年請

正大光明殿筵宴敬請

御座傍領酒蒙

賞大緞二端江綢袍料線縐褂料各一件是日

各土司土舍頭人均在階下與宴初

九日遞摺請

安於聽戲處

賞飯一卓並大小荷包各一對紫銅鑪一個薛

鏡一面東莞香一盒申刻於

山高水長處

賞看烟火先同各將軍總督跪

安陛辭後仍退下俟各國貢使跪畢率領土司

有頂戴者各跪

安行禮隨帶至北首坐看烟火事畢

散出越日即俶裝就道

二十五年庚辰五十五歲

二月奏天全州新增茶引請免領銷以

紓商力

天全州茶商二百餘家領引銷茶因
係由土改流地方謂之土引乾隆間
原額祇一萬五千五百餘張嗣復陸
續增引一萬四千六百餘張而產茶
並未較前旺盛滯銷日甚因奏請將
該州新增土引九千零九張自明年
爲始免其領銷以紓商力而歸覈實
得

旨允行

八月奏成都綿州二屬請仍歸松茂道
管轄並將該道駐劄省城以資控制

成綿二屬向歸松茂道管轄乾隆二
十九年始改隸鹽道兼巡松茂道專

駐茂州而所屬龍安一府距茂州較遠每遇巡閱仍須由成綿境內前往于公事諸多不便乾隆四十五年前督臣文公准令移駐成都然並未奏明府君以鹽道經理鹽茶事務課多事繁未便再令分巡地方而松茂道駐劄不相統轄之成都亦覺名實不符因請將成都綿州二屬仍歸松茂道管轄作為四川分巡成綿龍茂等處兵備道兼管水利事務即于適中之成都府駐劄以時巡閱其鹽茶道一缺專管鹽茶事務定為四川通省鹽茶道毋庸分巡地方得

旨允行

是月驚聞

仁宗睿皇帝龍馭上賓伏地悲哀罔知所措因

具摺瀝陳哀悃籲請赴京叩謁

梓宮欽奉

聖旨允准並蒙

恩賞加太子少保銜

府君奏請叩謁

梓宮摺內奉

御批垂淚覽之蔣攸銛准其來京叩謁
梓宮欽此奉

賞加宮銜復具摺陳謝奉

御批汝之為守兼優公正自處朕所素知自
必當加倍黽勉永矢公忠為國之心以上
酬

皇考倚毗深恩以副朕

得賢之望欽此

直世系三皇
欽此
下

十月十二日自川啟行十二月抵都

陛見隨

駕叩謁

仁宗睿皇帝梓宮恭領

遺念疊蒙

召見

賜豐貂荷囊等件並以面奏請停止清查陋規

降旨嘉獎交部議敘

是時有

旨清查各省陋規府君引對時卽荷

垂詢因奏言陋規之款固宜密查以防貪吏之苛索而陋規之額請免具奏以全良吏之廉隅

上領之至再退而繕摺將上適兩江節相孫公奏至奉

殊批停止查辦並以府君前次面奏

特旨交部議敘

道光元年辛巳五十六歲

正月三日

陛辭出都二月二十二日回任時滇省永北

廳勞步滋事遵

旨派兵堵截

滇省永北廳高章二土司所屬夷民
 滋事與川省會理州鹽源縣接壤先
 經將軍德公提督何公派兵堵禦府
 君回任復飭將金沙江打沖河渡船
 撤去派兵三百名在江口防守又派
 建昌鎮統帶漢土官兵千餘名于鹽
 源縣屬之邊外楊棉花地星宿坪等
 處梭織巡查且諭令沿邊夷民聚團
 築寨為堅壁清野之計其滇省逃來
 難民飭令妥為撫卹安插不令與川
 境夷民往來以免勾結得

旨嘉獎

三月奉到

欽定明鑑全部六月奏滇省夷務事竣請將川

境防堵各兵撤歸營沃得

旨嘉獎

川省派兵防堵自正月迄今已四月有餘並無一匪竄入川境其先後逃來難民計一萬三千五百餘人均經妥爲撫卹一無失所現在滇省辦理夷務業已完竣兵皆凱撤歸伍川兵自應一律撤防因于六月初五日令防兵分起起程回營歸伍其逃來難民已陸續回滇安插其願留川省傭趁者亦聽其便府君一一據實陳奏奉

殊批實力急公不存彼界此疆之念朕實嘉

焉所謂大臣者不當如是耶欽此並奉

旨將派防員弁尤爲出力者保奏數員並將

帶練堵禦之士司一併查明量予鼓勵欽

此

八月遵

旨查勘川陝楚三省老林情形會議添改廳

治營汛以資彈壓

老林在川陝楚三省之交其由陝西
 之畧陽鳳縣東經寶雞等縣至湖北
 之鄖西中間高山深谷統謂之南山
 老林其由陝西之寧羗褒城東經四
 川之南江陝西之紫陽湖北之竹山
 等縣中間高山深谷統謂之巴山老
 林其中地方遼闊綿亘數千餘里近
 來開墾日廣客民日衆訟獄日多且
 風俗剽悍山深路險最易藏奸動輒
 滋事前經順天府丞卓公秉恬條奏

旨令府君有

會同陝西撫軍朱公湖北撫軍毓

公確勘情形將如何彈壓撫綏之處

會議具奏府君山京回川行至西安

與朱撫軍面商以陝安嚴觀察如煜

熟于南山情形飭委前往邊界會同

川楚委員逐處確查酌議章程府君

復與朱毓二公詳細核議應于三省

連界扼要之處添設文員以資治理

並將川省邊界營汛酌量改移以專

巡防謹列議三條一陝西與安府屬之安康縣所管磚坪營地方與四

川太平廳城口營連界中間大界嶺

楊泗營等處未開老林表長三四百

里地極險要原設縣丞一員不足以

資治理應改設撫民通判一員自磚

坪以南直至鄰川邊界俱歸通判管

理定為在外提調要缺五年俸滿保

題並設巡檢一員兼管司獄事務其
 舊設磚坪縣丞應移駐漢中府屬黑
 河適中之畧陽改為畧陽縣丞專司
 巡緝又西安府屬盩厔縣所管山內
 地方與洋縣交界山深林密且木廂
 最多匠作傭工之人不下數萬歲歉
 停工易滋事端知縣稽察難周應于
 適中扼要之教場壩添設縣丞一員
 定為盩厔洋縣丞歸西安府考劾又漢
 中府陝安道二缺有控制撫馭之責
 必須熟悉地方之員隨時整飭應改
 為在外題調要缺一川省之太平
 廳同知所管之城口營界連陝省地
 方緊要應將該同知移駐城口作為
 城口廳同知定為題缺五年俸滿保
 題卽陞原設城口經歷移駐高觀寺
 場分防彈壓其太平廳原管地方應
 仍復為太平縣設立知縣典史訓導

| | | | | | | | | | | | | | | | | | |
|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|-----------|
| 各一員以資經理亦定為題缺五年 | 俸滿保題卽陞再巫山營屬之大昌 | 洪係通湖北要路應請設守備營分 | 在在外題補一湖北鄭陽府屬之房 | 縣竹山竹谿三縣均與四川連界中 | 間高山深谷客民雜處最易藏奸應 | 于適中扼要之白河地方添設撫民 | 同知一員定為題缺並設訓導照磨 | 各一員又竹谿之豐溪地方房縣之 | 博磨坪地方均係邊境扼要之區應 | 各設巡檢一員專司巡緝其竹山竹 | 谿二縣請改為邊缺五年俸滿保題 | 又安襄鄭荆道統轄三府一州界連 | 川陝豫三省鄭陽府所轄六縣地極 | 寬廣均須精明幹練熟悉地方之員 | 方足以資彈壓應將安襄鄭荆道及 | 鄭陽府二缺均改為在外題調俾得 | 擇人而治以收實效奉 |
|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|----------------|-----------|

上諭所奏係為因地制宜起見著即照所議辦理其請將陝安襄鄖荆二道漢中鄖陽二府改為在外題補有違定例著不淮行欽此

是年長孫道輔生霖遠出

二年壬午五十七歲

正月

恩賞

御書福字具摺陳謝奉

硃批我君臣當共相交儆勉圖上理事務從實心毋縱逸以期永荷

天禧茂膺蕃祉也欽此二月遵

旨覆奏四川省標營伍按期操演章程奉

硃批所奏甚是實力操練斷不可日久生怠

欽此

| | | | | | | | | | |
|----------------|----------------|----------------|----------------|----------------|----------------|----------------|----------------|----------------|----------------|
| 府君自抵川任後與將軍提督會商 | 將存城各營馬戰守兵定以三六九 | 日演鳥鎗二五八日操馬步箭一四 | 七日操藤牌刀矛雜技逢十日會同 | 操演進步連環大陣一次馬步弓力 | 以硬為上仍須撒放有準鳥鎗重在 | 準頭施放尤宜迅捷刀牌長矛即照 | 對敵時演習不尚花樣虛文飭令各 | 將備分日督操府君復與將軍提督 | 于春秋二季會同將各兵技藝分日 |
|----------------|----------------|----------------|----------------|----------------|----------------|----------------|----------------|----------------|----------------|

通世曆下

左

糾木刃五言

普行閱看並于各營挑出十分之四
作為備戰兵另演攻擊陣勢以備緩
急府君每遇辦公暇日傳齊弓箭兵
二三十人在本署較射將軍提臺隨
時抽閱各項兵技滿營綠營一律辦
理是以年來川省兵技頗覺改觀因

奉

旨垂詢據實陳奏得

旨嘉獎

三月接准吏部咨奉

殊諭茲屆京察之期四川總督蔣攸銛能整

飭地方察吏安民克副封疆重任著加恩

交部議敘欽此

府君荷蒙

甄敘陳謝摺內有仰體任賢去邪之心敬宣

崇實黜浮之治二句蒙

硃筆加圈並

批諭云我君臣當時

時念此二語欽此

七月奉到

恩賞

欽定新疆識畧全部是月遵

旨調集漢土官兵籌辦果洛克番賊適奉

廷寄

命提督桂公涵管帶進剿八月初旬乘勝急

臣等謹將三事

奏

攻生擒土目曲俊父子及餘賊數十名

奪獲馬牛羊及鎗刀器械無算邊境肅

清官兵凱撤疊奉

恩旨嘉獎並以調度得宜

特旨交部議敘

果洛克番子向歸上中下三果洛克

土目所轄動輒糾人劫搶上年玉樹

番族貿易回被該番劫奪府君據報

即派懋功協副將帶兵偵緝乃該番

等復于通天河糾搶巴雅爾堪布

奏書貢物及騎馱牛馬有

旨嚴行偵緝府君復派松潘鎮帶兵督同懋

功協相機妥辦當將玉樹番族被搶

原賊起獲並拏獲番賊索札等七名
傷斃勒包等二十一名以大雪封山
暫行撤兵歸伍本年七月正在派兵
進剿復奉

旨令提督

桂公管帶督辦因于八月初一二

三等日連獲勝仗查得糾搶堪布等

一案實係上果洛克土目曲俊父子

為窩主其唐門唐玉達三寨即係

該土目所屬督兵采人將著名兇賊

立時擒獲即于軍門正法梟示傳齊

附近各路土目番眾環示行刑莫不

畏懼戰栗其未同夥搶之阿咱等九

名釋回本寨邊境一律肅清此外各

番族安堵如故由驛馳奏奉

旨交部議

敘提督桂公蒙

恩賞賚多

珍並從優議敘其餘將弁升擢加

街有

差

十月奉

旨署理刑部尙書來京供職欽此當卽俶裝
啟行途次復蒙

恩實授並

簡放正黃旗漢軍都統十二月抵京奉

旨任紫禁城內騎馬並管理戶部三庫事務

二十六日

召入乾清宮跪領

御書福字

三年癸未五十八歲

上元後一日恭預

正大光明殿筵宴二月奉

命偕文筠軒太宰馳赴文安大城查勘被災

輕重及河隄缺口情形

府君偕文公逐細履勘按其災之輕重奏請分別減免展賑並請于截留豫東米石動撥一萬石設厰平糶以濟民食其文安千里長隄大城九里

橫隄諸漫口請

旨敕下直隸督臣迅速籌款及早堵築

復奉

命馳赴保定省城審理控案

府君自大城回京途次復奉

諭旨交審南宮民婦呈控伊子被冤監斃一

案玉田縣民婦呈控

伊夫被屈自縊一案

是月長子霖遠以從一品廕生引

見奉

旨著內用欽此簽分戶部

四月初五日回京復

命蒙

恩賞人蔘八兩奉

旨補授直隸總督

是時復奉

殊諭云蔣攸銛受

兩朝知遇惟當力圖報効國爾忘家不得以身

係旗人世居寶坻為辭况伊歷任督撫皆

能公幹廉明政聲彰著朕所素知設令再

四懇求亦不能俯從所請也為國宣力其

遵諭行欽此比府君抵任後恭報接印日

期摺內復奉

殊批卿之材力朕深可信隨時認真辦理凡

察吏安民修武備平獄訟諸大端尤當注

意焉勉之又勉朕

有厚望也欽此

奏上年秋禾被災貧士請展賑一月

上年霸州等三十六州縣被水成災

今春蒙

恩分別展賑府君念貧士同一被災值此青

黃不接之時未免拮据因奏請上年

成災十分之貧士展賑兩個月成災

七八九分之貧士展賑一個月每月米

一石折銀一兩飭該州縣趕緊領回

移學散放奉

旨允准

奏查明各州縣被雹被旱情形請分別

緩征停征

四月間雨中帶雹春麥受傷收成歉

薄府君委員逐一履勘查得趙州陸

市等十七村開州王甫等七十九村

大名縣孟家岡等五十二村清豐縣

豆村等八村冀州張家莊等十六村

被雹最重請將本年應征錢糧緩至

來年麥後啟征其節年帶征錢糧再
遞緩一年其被雹次重之邯鄲縣兼
葭等四十九村正定縣邢家莊等二
十一村獲鹿縣北同治等三十四村
欒城縣張家莊五十九村麥後應征
本年錢糧請遞緩一年仍先一體免
辦雜差以紓民力再青縣靜海二縣
被旱麥收歉薄所有麥後應征糧租
請先行停征均奉

旨允准

奏雨水過多懇撥留南漕以備急需

直隸各州縣久旱得雨正可及時栽
種詎六月初十日以後連日大雨其
甫種之晚穀蕎豆水浸受傷而低窪
未種者勢難再行補種秋成若再失
望必致糧價日昂因奏請截留江廣
幫漕米四十萬石以備直省緩急之
需

旨所奏甚是需要奉是下部即行欽此

奏直省攤捐軍需銀兩請照閩省成例

免其攤扣

嘉慶十八年河南滑縣等處匪徒滋
 事延及直隸開州長垣等屬辦理軍
 需經部准銷銀九十六萬兩有奇經
 前督那公循照內地賊匪本省自行
 辦理之例奏明于通省各官養廉內
 分作十五年攤捐歸欵現在已攤扣
 銀一十八萬有奇尚計未攤銀七十
 八萬有奇府君查閩省剿辦臺灣賊
 匪攤捐銀兩因不在藩庫遞年支銷
 之內無關歸補奏奉

恩旨准予刪免所有直省未扣銀七十萬
 有奇亦不在遞年支銷之內無關歸

聖恩免其攤扣俾通省大小各官辦公不致
補與閩省事同一律因奏請
竭蹶奉

旨依議

六月感咯血疾荷蒙

溫旨慰問

府君精神素健是年春間忽患腸紅
時作時止五月中朝夕禱雨忽於壇
次嘔吐鮮血夜不能寐而大雨時行
各屬告災者麇至河工又疊報漫口
府君不得已力疾赴工曾于奏事摺
內蒙

批諭云精力不可過勞有暇仍應安心調攝
以冀速痊不知卿服用何藥近來精醫術
者寥寥切勿輕易投劑勿
藥有喜可不念諸欽此

奏固安等十州縣被災最重請先動項

撫卹

本年夏雨過多山水陡發各河同時
 盛漲附近村莊低窪處所均被淹浸
 府君據報逐一委員履勘惟固安永
 清東安宛平霸州文安大城保定安
 州新安十州縣情形最重亟須分別
 撫卹因奏請于司庫酌撥銀兩委員
 解往各州縣查明乏食之戶五口以
 上者給米四斗四口以下者給米三
 斗每米一石折銀一兩四錢照依時
 價易錢散放奉

旨允准

奏直隸省所需賑餉經費請就近撥解

銀兩以資接濟

直隸被水之區光經查明共八十一
州縣續又查出被水者二十一州縣
廳賑恤等項約計需銀一百二十萬
兩又直省尚有歲需各項及被災州
縣借支俸工工料等款並堵築永定
河漫口約不敷銀六十萬兩奏請
勅部迅速就近撥解截留於八九月間到齊

旨勅部

議奉行

奏賑米不敷請撥奉天省存倉粟米備

用

直隸現辦大賑府君先經奏明截留
江廣幫漕米四十萬石存貯北倉備

用茲復查明被水者一百零八府廳
 州縣之多其被災最重之區大賑前
 後必須設廠煮賑摘賑以濟民困前
 次截留漕米不敷分撥必須預為籌
 備因援嘉慶十八年成案奏請
 勅下盛京將軍于存倉粟米內撥給二十萬
 石或十五萬石由奉天委員押運赴
 津交兌以資備用得

旨允准

奏被災最重各州縣請酌量煮賑摘賑
 並請將大賑提早一月以冀速甦民困

本年被災之區內通州等二十一州
 縣情形最重且係上年災歉之區因
 奏請于撫恤後大賑前各就地方情
 形分別煮賑摘賑至大賑請提早一

月於十月內一併散放其折色按照
成案每石一兩四錢俾災黎早霑實
惠奉

旨依議

奏請截留江西漕糧以備賑濟

直隸賑務因災區日增前次截留米
石不敷支放奏請

勅下漕運總督將九江後幫在前軍船及吉
安撫州二幫船糧米全行截卸天津
北倉以備撥用得

旨允行

奏災民出口覓食請飭暫時放行以示

體恤

山海關外東三省地方旗人生計攸
關原不准攜眷出口恭查嘉慶八年

部議遇災歉之年經該督奏明始准
暫時放行仍限以月日本年直隸水
災重而且廣該民人等趕赴成熟地
方或手藝傭工或依傍親友藉資餬
口因奏請

勅下山海關副都統將攜眷出口災民迅速
放行仍酌定十月底為止以示限制
奉

殊批已有旨
矣欽此

八月奏直隸官荒地畝現查可墾者酌

量升科其餘水冲沙壓請概免查辦

戶部冊存直隸旗民官荒地八萬餘
頃屢奉

諭旨查明可墾者即行陞科其難墾者設法
改作蘆洲牧廠以收地利欽此府君履任

後節經嚴飭各屬趕緊勘丈陸續據報陞科者計九千九百六十餘頃其餘七萬餘頃皆係海荒沙荒澇深城重斥鹵不毛并不能改作蘆厰因奏荒地坐落八九十州縣連年委員四出查丈紛紜鄰保百姓守候時日花費盤纏已不無紛擾若再于難墾之地仍立限期責令墾足不特有力者固不肯以工本輕擲卽無力貧民朝夕傭趁亦可謀生莫肯于石田中營求活計人情之所難強卽官法之所難行卽百姓勉爲承認而地旣旋涸旋澇佃亦倏認倏翻良懦者以賠累爲辭刁黠者開告訐之漸無裨

國計徒擾民生惟有仰懇
皇上天恩免其立限召墾則畿輔羣黎感頌
皇仁于無旣矣

九月奏雇運奉天粟米之海船懇

恩准帶商米二成免其納稅以資津貼

直隸購食粟米全賴商船赴東販運
來津糶賣接濟今商船全經官雇商
米無船裝載販運未能流通市價勢
必日增且官雇海船不如商雇之多
必須量予調劑因奏懇

聖恩俯准領運奉米各海船每船裝運官米
八成帶運商米二成到關時免其納
稅該船戶感沐

皇仁領運迅速並可接濟民食得
旨准行

永定河北中汎大壩合龍全河復歸故

道因將在工出力員弁奏請

恩予鼓勵

永定河工因六月間雨水過多山水漲發以致漫溢奪溜府君奏請發帑

欽差侍郎張公晝夜在工督率員弁趕緊廂

占于九月十一日丑刻掛纜合龍由駟馳奏並將在工員弁擇其尤爲出力者懇請給予議敘蒙

恩陞擢加銜有差

勘明被水州縣災歉情形奏請分別賑

濟蠲緩

本年直隸雨水過多被災者共一百二十州縣府君委員逐一履勘確實因奏請將被災最重之通州等二十七州縣應徵本年糧租穀豆全行蠲

免仍將積年帶徵各款緩至來年秋
 後啟徵其成災次重之三等五
 州縣應徵本年糧租按照成災分數
 照例蠲免蠲剩之項分作二三年帶
 徵其應徵節年糧租一體緩至來年
 秋後啟徵至應放賑遵照前奉
 諭旨提早一月於十月內按照成災分數及
 例定應賑月分併散放按各州縣
 情形或全放折色或銀米兼半或米
 四銀六或米三銀七分別核辦又被
 水最重地方寒冬酌撥米石設厰煮
 賑俾資安頓其衝塌房閒查係成災
 七八九十分村莊照例給予修費均
 奉

旨允准

十月領到

恩賞

御筆萬壽山玉瀾堂錫宴十五老臣賡歌圖

繪墨刻一分十二月查明災歉州縣來

春應需接濟請

旨再行展賑一月

本年被水州縣成災六七八九十分
不等內除涿州等三十九州縣積水
已消廣種秋麥來年可望有收春初
設有粥廠可資接濟毋庸展賑外其
通州等三十八州縣水未消涸連年
災歉戶鮮蓋藏民力異常拮据來春
青黃不接之時必須分別接濟因奏
請將成災九十分之極次貧並七八

續補一覽年譜卷下

三三

分之極貧民旗及九十分災之貧士
統行展賑一月奉

旨允准

四年甲申五十九歲

正月奉到

恩賞

御製養正書屋詩文全集四函奏熱河道屬
及口北道屬距省寫遠請將軍流犯就
近由巡道審勘得

旨允准又奏文安任邱兩縣屯居旗人請革

除私設總催領催名目以便鈐束

文安任邱上年辦理賑務該總催等把持句串浮開賑戶不服官查府君既飭委員等認真稽查將戶口不對者悉行扣除以警刁玩復奏請將總催領催名目槩行革除凡更換門牌及稽查戶口等事與民人一律辦理

奏挑濬新刷衛河請分別豁糧給價

衛河在河南內黃縣境經竇公河下注上年漳水異漲侵入衛河以至直隸之大名山東之館陶咸被其害奉旨特派相國戴公詳加履勘時漳水業經北趨改由慶豐莊歸入正河而衛水前決袁村業已刷有河槽若因其勢而導之使與漳水分流則水患可以輕減惟衝刷處所間有淤淺兩岸隄岸

亦多單薄有

旨命府

君及河南程中丞各按地界挑濬府

君委員會勘新開衛河屬直隸者長

八十八里分別修築隄埝挑濬淤淺

其瓠子嘴東岸添建鉗口壩一道壩

南迤西築土埝一道隨時相機開閉

至岔河嘴係漳衛匯流之所應於東

北兩岸灣角均各挑直復于西岸合

流處所添築挑水壩一道河身所估

地畝止豁錢糧無庸給價兩岸築埝

基地應給地價並豁錢糧其占用民

地城薄者每畝給銀四兩沙薄者每

畝給銀二兩計挑費及地價共銀九

萬七千有奇因係鹽運必由之道蘆

商情願捐辦毋庸官為經理並請

飭下河

南撫臣同時興工俾大汛前一律完

竣奉

旨依議

奉到

恩賞

欽定春秋左傳讀本一部五月赴永定河南

北岸驗收工程

永定河連年異漲河底日漸淤高去路不能暢達府君偕

欽差張

少司空文浩熟商于南二工修復金

門閘并于南上汛添灰壩挑挖出水

減河並築護村隄埝以資分減盛漲

捍衛田廬蒙

恩准行

當卽飭令永定河道督率廳汛趕緊

興工而是時持異議者引興縣孫文

定公前事謂閘壩必不可作府君力

捍衆議卒成之至今猶蒙其利焉

三十一卷之三

三

繩相齋年譜

六月入都展覲疊蒙

名見並荷

恩賞

御筆詩畫扇

府君前于奏報驗收永定河工程摺
內附陳查工完竣即趨赴

宮門瞻覲

天顏稍抒依戀下悃奉

殊批北岸查勘完竣即來京陛見今歲係停
蹕之年朕亦亟思見卿面也欽此府君因
于六月初旬入都蒙

名見于

靜明園

清音齋

恩賞

御筆詩畫扇一柄一面繪蘭石

御題知芳二字一面書

御製御門日作五律一章府君有紀

恩詩兩章存

集中

借程月川侍郎會議全省水道大綱奏

請

發帑次第興辦

張少司空奉

旨補授南河總督

上復命署侍郎程公含章來代府君與會議

直隸應辦水利大綱有九一疏通

尾問直隸山西山東河南四省之水

皆會于天津海河以入海而三岔河

直世守三尊

一帶寬不及二十丈兩岸民居櫛比無可展拓一遇盛漲卽恐消泄不及查海河之北有塌河淀七里海居大清永定北運河之下游由督口以入蘄運河另由北塘口入海若加挑寬深則添一人海之道而尾間自暢一疏濬東淀淀由霸州以迄東安經入州縣納三十餘河之水回環四百餘里今被永定河填淤僅存東南一小半應自苑家口以下淤沙灘嘴悉行挑去蘇家橋以下河分三股一律疏濬其中股北股之下游爲辛章河已淤成平陸應自勝芳鎮起至楊芬港止開復舊河再挑三河頭以暢尾間俾全淀之水得以暢然達津而入海一疏濬西淀趙北口十二連橋橫亘淀中爲全淀之咽喉今橋口上下被居民堆砌園圃河窄如溝淀水

不流其阻礙橋孔者應一律挑去再挑挖馬道一河直連清河口再于清河口之北挑濬白溝河故道以行今白溝之水又盧僧舊河中亭十望廢河亦應一併挑挖深通直達台頭入東淀之北股河如此則清濁南北分流而西淀水以長治一疏濬大清河河自保定府南閘口以下寬僅二丈餘不足容納盛漲應一律展寬足河心五丈安州新安各屬沿河橋座應加高修復以通舟楫一相度永定河下口河性挾沙易致淤積百數十年來改移下口不下十次改一處淤一處近來濁流之淤愈寬清河之去路愈隘應于南七工以下修復遙堤至鳳河口止使河水不入東淀一面導永定河水由鳳河口以會入大清庶藉清水以刷濁流不致淤積

一疏子牙河積水道光二三年十
 字河淤塞滹沱河水遂灌入北泊為
 患而寧晉隆平等縣滙為巨浸應將
 十字河挑挖以泄積水俟其消退再
 築堤疏水導滄敵滹使兩水合流無
 阻不失一水一麥之舊其冀州以下
 兩岸隄埝多係浮沙應用包淤之法
 加以礮築並挑挖子牙舊河以分其
 勢其靜海以下格淀隄舊設涵洞應
 一律堵閉使清渾各自達沽入海庶
 無串注之患一復南運河舊制河
 身灣曲最易坐沙生險舊有滅河四
 道一恩縣之四女寺一德州之哨馬
 營應奏明谷交山東撫臣勘估挑挖
 其在直隸境者一在滄州之捷地汛
 一在青縣之興濟汛壩口雁翅損壞
 河身淤成平陸應照舊日丈尺挑修
 並設立涵洞以資分泄一復北運

河舊制北運河舊有減河二道一在王家務一在筐兒港分泄河水由塌河淀入薊運河以入海年久淤塞漸成平陸應俟秋汛後動項挑修其右壩雁翅石海漫灰簍箕應一律拆建以資宣洩一修築千里長隄隄自祁州而至天津長五百餘里爲東南保障必須一律修築底寬七丈至五丈不等面寬二丈至一丈不等高一丈至七八尺不等除撈取膠泥外其餘皆加礮工方足以資捍禦以上九條均係刻不可緩之工應請勅下戶部籌撥銀一百二十萬兩俾八九月內擇其要者先行趕辦奉旨如所請行又案是年十月府君復偕程公籌議曾口以下潮汐往來一日再至淹深四五尺人力難施應于北岸陸地另開一河寬十四丈使與曾口

河並行則工費較省又白溝河水勢甚大前議開河寬二十丈盛漲時不足容納若兩岸築隄則工程浩大後難為守不築堤則四散漫溢河身必淤因改請于新城十九堡村修復盧僧河以分白溝上游之勢再由雄縣之大灣開開復窩河以分白溝下游之勢復經奏明辦理蓋府君于地方公事不執己見不護前說因時因地總期于民生確有裨益前後歷數省如一轍焉

奏故城縣請改為疲難沿河要缺由外

題補以資治理

故城向係由煩改簡府君體察情形該縣與山東恩縣交錯為入境門戶

經管運河六十餘里古淺甚多全賴地方官相機妥辦實非部選初任及不諳河務人員所能經理裕如因奏請改爲疲難沿河要缺由外揀選題補以期措施得宜復請將順德府同知改爲兼河選缺以符定制奉

旨下部議

行

閏七月奉

旨協辦大學士遵

旨保舉府道以下潔已愛民誠心辦公人員

以儲

簡用

府君歷任督撫二十餘年所保舉者不下數十百人奏牘皆手自繕寫嘗語不孝等日以人事君人臣之分敢居之以市德乎故今于所舉者姓名皆從畧焉

奏熱河道府州縣佐雜員缺緊要請量

為變通以資治理

熱河地方幅幘遼闊政務殷繁較之口內繁劇州縣尤為難治向來承德府屬之一州五縣俱于口內理事同知通判內請調如不得人於旗員州縣內酌量題陞但理事同知通判皆係筆帖式初膺外任辦理每形竭蹶府君體察情形因奏請承德府屬之一州五縣出缺時先儘口內實缺旗

員及理事同知通判之歷練有爲者
分別請陞請調如不得人卽咨部揀
選曾任外省州縣之旗員請
旨補放并請援照陝甘邊缺定例歷俸三年
准其換回內地如整頓地方著有成
效准其以同知銜先補口內繁缺州
縣并准予應陞其循分供職未能出
色者仍以簡缺理事同知通判補用
毋庸給予應陞其該管之熱河道承
德府二缺亦請照陝甘口外之例三
年撤回與口內旗員道府對調如內
地無人可調卽送部引

見另候

簡用以

均勞逸至州判縣丞巡檢等官三年
俸滿卽行揀員換回先行補還原缺
酌量陞用其循分供職者換回內地
仍補還原缺無庸給予應陞奉

旨下部議行

通世

三

三

十二月年班入都聽領

御書福字壽字並蒙

手賜

御用吉祥佩一件是月至翰林院上任

府君以參知入院距官辦事翰林時已三十餘年矣惟一走館李姓尚係當年舊人府君令從前所攜老僕隨往赴任其人亦既六旬矣

是冬十月次孫道軫生霖遠出出繼胞

姪宣遠為嗣

五年乙酉六十歲

二月奉

旨以攸銛六十生辰

恩賞

御書宣勤篤祐匾額一面福壽字各一方暨

佛像如意等件

府君是時以查道入都軍機大臣傳知欽奉

恩諭預加

賞賚以十九日恭領二十日謝

恩當經長兄霖遠祇領

御書匾額福壽字及佛一尊如意一柄碧霞

私朝珠一盤緯絲蟒袍一件文錦江

綢線縐各九件陳設九件由京賚至

蘇林彙年言

三

通州差次府君即繕摺陳謝奉
硃批知道了欽此

是月恭屆

京察奉

硃諭以克稱職守通省事務日見起色交部

議敘欽此

府君蒙

恩甄敘當即具摺陳謝奉
硃批為國宣力永受朕恩同德同心

贊襄政務朕曷勝嘉悅欽此

十二日往通州遵化一帶查勘橋道扈

從

蹕路恭送

聖駕後卽往天津校閱營伍並察看隄河各

工三月初九日回署蒙

恩賜示

御製詩硃筆單二章

直隸各州縣於前月杪各得雨雪二
麥可期暢發府君具摺陳奏奉

硃批

京師于本月十一日幸獲甘霖四郊均

已深透我君臣曷勝慶幸附寄近作二律

以誌欽感欽此當蒙將

硃筆

詩稿寄示府君具摺奏繳並陳各州縣

續得雨澤通省一律普霑復奉

硃批

本日本日又得澍雨益形滋潤曷勝欣感之

道此

此至欽

四月赴河間校閱營伍並查勘千里長

隄及東西二淀工程五月奏定防守千

里長隄善後事宜

千里長隄自高陽縣之劉家溝起至天津縣之西沽礮臺止因連年水潦冲塌殘缺淹浸田廬上年蒙

恩發帑興修共核銷銀三十萬兩並留備銀

一萬兩為善後之用府君詳稽舊案體察情形酌議防守事宜六條一

千里長隄應責成各汛官率役夫於支渠汊港疏其淤淺一隄工應歸民修每年大汛近隄村莊民戶出夫巡防一諸大川之水以淀為蓄淀

中葦已滋蔓漁戶簽椿下斷更壅泥
沙今令挑淤拔斷嗣後嚴禁侵佔違
者治罪一東西兩淀舊有祕夫堡
船裁於乾隆二十九今應復設堡
船百隻祕夫三百名一天津知縣
舊管長隄三十五里事繁恐難兼顧
應撥外委一員兵八名別為一汛專
管隄工移長垣縣丞駐任邱移唐縣
主簿駐文安大城之間各添水手四
名一隄工大半瀕河汛期風浪撞
擊更恐上游盜決兵夫晝夜巡防無
所棲止應於任邱文安境內各建堡
房十座大城四座天津靜海各五座
雄縣保定各五座其新工最險之地
如任邱鄭州四鋪以下又北臨大港
淀又天津杜家道口以下石家房各
添風埽以資保衛奏入奉
旨所議均屬明備依議速行欽此

直世齋
普
卷下

六月蒙

恩授體仁閣大學士七月奏京縣承辦鄉會

試經費請量加津貼

順天貢院辦理文鄉會試一切供給
 器具向由直隸藩庫動撥作正開銷
 文鄉試先撥供給銀兩七千五百兩
 粘補器具銀八百兩文會試先撥供
 給銀二千兩卷箱等銀六百兩給發
 大興宛平兩縣分領承辦惟近年物
 價昂貴例銷銀兩不敷若由該二縣
 那移墊用易致虧缺之弊因奏請于
 鹽斤加價水利生息項下犒賞兵丁
 剩銀內每屆文鄉試津貼銀四千兩
 文會試津貼銀二千兩如遇接辦
 恩科文鄉試酌減為三千兩文會試酌減為

旨允行

一千五百兩飭令大宛兩縣各半分
領卽自本年乙酉科爲始得

九月京兆榜發次子霽遠中式舉人第
九十四名長子霖遠中式副榜第十一
名具摺恭謝

天恩十月奏接運滯漕幫船全數催趲趕入
直境奉

旨嘉獎

是年禦黃壩以南運道淤甚江廣各
幫漕船留滯者一百九十餘萬石既
龜世齊王普
卷下
三

盤運北來而直隸故城一帶又多古
淺新淤

上以為遲至冬令水落難行若北風驟起必
連檣凍阻疊奉

諭旨設法催趲府君因遴派明幹大員親駐
河干督理一切並分飭各州縣寬雇
民船與官剝船一體接運並派將備
各官沿途督催隨時察看水勢一有
露淺處所即趕緊挑挖以利過行自
九月望後至十月二十二日全數挽
過天津關當即據實奏報奉

硃批朕已面詢穆彰阿據稱此次直隸辦理
督催等事實實在周妥之至此皆卿調度有
方朕深嘉悅欽此其時派督辦之道府均
蒙

恩交部議敘其餘催漕員弁亦俱陞擢有差

十一月奉

上諭蔣攸銛著來京供職欽此

府君既蒙

恩內召當具摺陳謝并乞

賞假二日繞道滿城省視墳墓奉
殊批准其省祭勿久耽延朕歡欣以待欽此

是月抵京蒙

恩在軍機大臣上行走並管理刑部事務

召入重華宮跪領

御書福字壽字

六年丙戌六十一歲

正月奉

旨賽冲阿呈繳海淀官房一所著賞給蔣攸

銛居住欽此

園寓為阿文成公舊邸府君官翰林時最蒙文成器賞常白事于此故園居詩有一庭花木億師門之句

三月蒙

恩充會試正總裁得士宗室毓本等四人王

慶元等二百五十七人四月充新進士

朝考閱卷大臣六月充直省拔貢

朝考閱卷大臣七月初八日偶感腹疾蒙

諭軍機大臣派章京來看視並傳

旨令安心調理俟全愈再行入直欽此次日
疾稍愈仍入直如常十二月充

經筵講官是年二月孫道軾生霖遠出

七年丁亥六十二歲

三月奉

命往清江查勘河工五月蒙

恩以大學士補授兩江總督閏五月抵任奉
上諭兩江總督統轄三省若三汛常駐工次

則地方公事積壓著酌量汛漲情形如可
無須駐工卽回署清釐庶務欽此六月奏

來年新漕仍請暫行海運盤壩

近年河底淤高清水不能暢出來年
春夏之間清水能否常高于黃禦黃
壩能否啟放尙難預必因偕河督張
公潘公請仿照上年仍行海運並請
將本年年江南首進二進回空軍船截
留河北接運浙江安徽江西湖南湖
北盤壩之米唯盤壩需費較多如來
年竟能清高于黃自當照常原船
北渡卽或黃水時有長落尙可倒塘
灌放則截留河北空船仍飭令南下
歸次斷不敢稍事拘泥致滋糜費奉
殊批所奏乃有備無患之意來年河湖暢順

原可無庸
盤剝欽此

八月奏江南鄉試籍隸江安兩省官員
之子弟親族應行迴避請變通成例以

廣登進

江南鄉試定例籍隸江安兩省之司
道以上官員及江寧省城首府首縣
其子弟親族槩行迴避至知府直隸
州所屬州縣開送簾員其同族外姻
亦令迴避等語府君謂士子三年一
試若父兄等並非簾官之上司而格
于成例阻其讀書上進之階未免向
隅因請嗣後江南鄉試籍隸江安兩
省之巡撫學政兩司及江寧省城道
府首縣之子弟親族槩令迴避外其

通十一卷三

四

總河巡道知府直隸州遇所屬州縣開送簾官其子弟親族亦令迴避如所屬並無入簾之官其子弟等即准其一體應試奉

旨交部議

行

九月西師克復四城奉

殊諭軍機大臣承書諭旨勤勞懋著蔣攸銛

著晉加太子太保欽此遵

旨查勘淮揚運河歸江歸海各工奏請先行

改挑瓦窑舖新河撥款籌辦

淮揚運河水勢以洪湖壩河為來源以江海為去路自邵伯以南由金灣

各壩減洩則歸江自邵伯以北由車
邏等壩旁注下河則歸海歸江者近
而徑直歸海者遠而紆回多一分歸
江卽少一分歸海歸海少一分之水
下河各州縣卽少一分之災乾隆年
間將邵伯以南入江之路酌量加增
于東西灣添建滾壩又金灣壩下增
挑引河由是下河水患漸減蓋展闢
歸江之去路實拯治下河之要鍵因
請于鳳凰橋迤南之瓦窰舖估挑新
河一千三百餘丈宣浪運河盛漲使
之暢流歸江庶下河水患藉以稍紓
得

旨允行

是月奏報霜降安瀾蒙

恩交部議敘十月奏蘇州等屬四府一縣回

空幫船已全數渡黃南下來春新漕仍

可照常河運請將海運撤銷

府君前奏明歲新漕請仍行海運盤
壩以期有備無患疊奉

諭旨准行海運不准盤壩嚴飭軍船全數歸
次欽此府君遵卽督飭軍船趕緊行走所

有蘇州等屬幫船俱倒塘放竣一律
南下並查糧船歸次並不為遲仍可
修艙出運其海運沙船向係聚泊上
海並非因運糧而來儘可給還承攬
聽其另裝商載所有蘇州等府新糧
請仍照常河運前議海運卽行停止
奉

旨依議

奏駱馬湖被水成災請將應徵湖租一

萬九千有奇照例豁免得

旨准行又奏安東縣境內民便一帆兩河年
久淤塞積水難消以致城鄉淹浸請借
項挑濬分年攤征還欵亦奉

旨允行

八年戊子六十三歲

二月回疆蕩平生擒逆裔張格爾紅旗
報捷奉

上諭蔣攸銛當軍興時尙在軍機大臣上行

通世醫戶普

卷下

走襄贄軍務頗著勤勞著晉加太子太傅
欽此又戶部將派辦軍需文案出力司員
奏請鼓勵長子霖遠蒙

旨遇有該部員外郎選缺儘先補用欽此次
子霽遠遵例報捐員外郎籤分戶部學
習行走三月奏請動項挑培天然閘下
河堰等工

天然峯山等閘壩下引河爲減洩黃
流要區其東西兩岸河堰向係民修
民守嗣因水患頻仍民情拮据而山
河水漲以致堰工沖刷殘缺河身淤

墊因奏請于歲修經費內動項如式
挑培以紓水患而保農田得
旨准行

奏南河大挑知縣補缺班次酌議稍為

變通以昭平允

舉人大挑一等分發河工定以試用
二年期滿先行借補佐貳惟借補班
次須輪至第五六缺始能到班皆為
先儘次儘人員所壓借補仍屬無期
殊非河工兼用正途本意因請將班
次稍為變通奉

旨飭部議准河工輪補班次改為先儘正途
一人次儘正途一人
先儘一人次儘一人
為一班補用二人投効分發試用一

人仍以九缺爲一輪其捐納先儘次儘人員均不准借補正途到班之缺由是正途人員不致壅滯而北河東河亦得一體調劑矣

五月奏報全漕渡黃完竣奉

旨交部議敘八月奉到

御製揚威將軍大學士威勇公長齡參贊大臣果勇侯楊芳遣派將士等檻送首逆張格爾生致闕下於五月十二日御午門受俘禮成用誌七言十韻墨刻一分九月奏報霜降安瀾蒙

恩交部議敘十一月奏宿遷縣六塘河民便

河泚河隄岸殘缺河身淤墊懇借項興

辦以衛民田

六塘河在運河北岸民便河在黃河南岸泚河亦坐落運河北岸向係民辦之工府君念該縣頻年災歉民情拮据因奏請借欵興修分作十年攤徵歸欵奉

旨依議

十二月次子壽遠續娶安徽吳氏

不孝續娶吳氏為壬戌進士現在都察院左都御史退旃公名椿長女

是年四孫道轅生霖遠出

九年己丑六十四歲

正月奏請挑浚宿州奎河奉

旨允准二月奉到

仁宗睿皇帝聖訓全部是月十七日自省起程

赴壽州徐州宿州校閱營伍奏宿州地

方衝要請改設遊擊營分以資督率

宿州為九省通衢壤接河南之歸德
安徽之潁州匪徒最易潛竄原設都
司一員千把外委十四員不足以督
率彈壓查江蘇劉河營額設遊擊一
員守備一員專司內河巡緝事務不
繁與宿州營衝要情形迥不相同應

旨交部議

請將劉河營遊擊守備移設宿州營其宿州原設之都司移改劉河營奉

三月長子霖遠卒

長兄性孝友佐府君庀家政咸中條理官戶部十年遇事能持大體同官深倚重焉乃甫逾三十一病不起府君盡然傷之為序其雨林書屋詩集日以誌吾痛

四月兼署漕運總督九月奏請興挑徐

州府屬河道

徐州府屬河身淤墊民田常遭淹浸府君疊飭徐州府查明蕭縣之龍山

河邳州睢寧縣交界之白塘河邳州之舊城民便河陽山縣之利民永定二河又沛縣之東北西三面隄工邳州之沂河民埕豐縣之太行隄實皆最要之工因奏請動用閘河節省經費銀兩分年次第估辦以除水患而安民業奉

旨依議

十月奏霜降安瀾蒙

恩交部議敘十一月奏寶應縣運河西岸通

湖閘工請借項興辦

通湖石閘向係民建關係宣洩盛漲保衛城池隄岸及灌溉農田洵為緊要之工惟該縣連年災歉民力未逮因奏請借項興修分作二年攤徵還

旨允行 欵得

自訂繩樞齋詩集十二卷成付門生朱

殿撰昌頤刊板

府君詩集初定于嘉慶戊辰翁方伯元圻序之更定于道光乙酉吳學使慈鶴序之府君公餘復自增刪為十二卷屬殿撰鑄板于京師

十二月兼署南河河道總督

十年庚寅六十五歲

正月領到

御書福壽字各一幅狍鹿肉一分二月覆奏

鹽課改歸場竈窒礙難行

旨集議府是時御史奏陳課歸場竈之法有
六兩淮竈埠客地多極貧之戶嗜利
之心十倍於畏法若買鹽之銀先入
其手非以多報少卽有售無徵及欠
課不完雖日日追比百不償一其不
可行者一淮鹽引地最大如河南之
光州汝寧湖北之襄陽宜昌荆門安
陸湖南之衡州永州寶慶江西之贛
州吉安建昌道遠則運艱商人必衰
足不前鄰私益售官引益滯竈鹽積
而不銷焉能使窮竈照額納課其不
可行者二場竈透漏私鹽久矣今若
不憑引日聽其轉販則透漏更多而
販私無課人皆利而趨之場員官卑
役少防範難周不但不能化私爲官

轉恐驅官爲私而匪徒壟斷馬頭益無所忌其不可行者三向來鹽課歸商竈丁只納折色蠲緩之年在折色而不在鹽課若課歸竈戶則一遇偏災刁頑卽有所藉口額課幾歸無著其不可行者四鹽場數十皆瀕海斥鹵之區居民寥落場官旣難於徵更難于守若築城建庫不特無此經費亦且無此政體若隨徵隨解則日日僉差程程護課煩擾甚矣其不可行者五淮商之有根窩者每次給單十綱以單質銀得千數百萬爲辦運貨本若根窩廢則質單卽成廢紙恒業頓失生計立窮其世業鹽務之捆工箕秤鈎損杓帚等又不下數十萬人遽令星散必至流離亦非仰體聖主子惠元元之至意其不可行者六因據實奏陳其事遂寢

三月領到

御製巡幸盛京詩全冊

御製詩初集兩函是年輪應查閱營伍奉

旨江蘇安徽江西著卽派蔣攸銛逐一查閱

認真簡校欽此閏四月奏紳士捐濬江寧

城外下河北河工竣懇

恩量予鼓勵

江寧省城自水西門外之石城橋至西北隅龍江關達江者日下河爲漕鹽挽運及閩浙各省商貨必由之路其自聚寶門外之賽虹橋至西南隅

西新關達江者日北河爲民田灌溉所賴及安徽江西湖廣各省行旅通津因年久淤塞經上元江寧兩縣紳商人等願各出資疏濬因擇其老成歷練者爲董事不涉胥吏之手於上年十一月開工至本年三月工竣並於江口挖出佛郎機銅銃一具重百餘斤上鐫嘉靖七年南京操江兵仗局製字自明迄今所未濬之工一旦挑使深通因將紳士中捐項在三百兩以上者懇

旨依議

五月奏病體未能速痊籲懇

賞假調理奉

上諭蔣攸銛著賞假兩月趕緊醫治安心調
養一俟痊愈卽行銷假照常供職所有兩
江總督印務著陶澍暫行兼署欽此

府君體氣素健自上年夏秋間苦痢
因之脾胃漸弱本年正二月間又連
患腹疾至三月稍差而用心稍過或
論公事稍久卽氣墜憊甚醫者云係
心脾兩虧亟宜多服重劑靜養數月
方能日就痊愈可顧府君猶力疾辦公
不敢告勞至五月間梅雨連綿感濕
作瀉精神益形委頓乃奏請

賞假調理並將日行尋常稟件先委江寧賀
方伯代爲核閱以冀稍省心力焉

六月四日元配馬夫人卒

先妣自直隸回京後未嘗隨任今年三月間府君氣弱多病乃攜長嫂及不孝夫婦南來省視四月間行抵金陵不孝等私冀骨肉團聚府君心境稍紓宿疾庶其有瘳詎意先妣抵署後飲食稍減精神亦不如前五月下旬腦後生疽正氣益耗竟於六月初四日棄不孝等嗚呼痛哉府君收涕諭不孝曰汝母孝于舅姑和于宗族三黨無間言我服官中外四十餘年無內顧憂者汝母之力也我病體稍可當狀汝母行事以附家乘之後嗚呼孰意天降酷罰未及五月府君又棄不孝等而長逝耶嗚呼痛哉

七月命次子爵遠移殯馬夫人靈柩於

正覺寺八月疾稍差遵

旨銷假視事九月以履任已滿三年奏請

陛見奉

旨著來京供職欽此當即束裝北上行次袁

浦以前奏辦理鹽梟黃玉林一案未協

部議革職蒙

恩降補兵部左侍郎

嗚呼右年譜二卷府君庚寅初夏病中所自詮次以授不孝霽遠錄而藏

之者也是年九月府君奉

命內召將俶裝北上顧謂不孝霽遠日我年

恩深不敢請今蒙
來精力日衰難勝重寄以受

特召來京供職臣下兢惕不敢言之隱仰邀
聖明洞鑒我得官京僚數年暴直之餘以時

調攝宿疾庶有瘳乎不孝體察府君
精力雖遜于前而脾泄氣墜諸恙漸

差方謂眉壽正未有艾詎意十月十
八日行次平原驛晨起忽氣逆痰涌

急進疏順之劑病勢稍減而言語蹇
澀手足艱于動作延至二十二日申

刻端坐而逝維時不孝奉府君命扶
護先妣靈柩在後緩程北上距平原

五百餘里猝聞府君病耗魂飛魄裂
星夜奔赴已不及視飯含嗚呼痛哉

不孝之罪尙可擢髮數哉遺摺旣上
欽奉

上諭蔣攸銛前以大學士簡任兩江總督數
載以來尙無遺誤本年因黃玉林一案降

系木... 言... 一

補兵部左侍郎來京供職茲行抵山東平原縣途次遽爾溘逝殊堪軫惜念其歷任封疆宣力有年平日辦事尙屬認真著加恩照尙書例賜卹欽此旋蒙

恩賜葬

諭祭不孝等謹以道光十三年十二月二十

四日合葬府君暨先妣靈柩于保定府滿城縣西石井村之真姑峪新阡

爰奉府君自次年譜敬付剗不孝道輔尙在髫齡謹就不孝壽遠所能

知者附注于各條之下苦由荒迷遺忘望漏倘蒙

大人君子憫其愚情俯賜是正不孝世世子孫咸且不朽

道光十五年九月不孝壽遠泣血謹識

孫男道輔

道軫
道軾

道轅
道轅
道輅同校刊

道輅同校刊

111

繩世齋年譜卷下終